

周
易
訂
疑

周易訂疑卷之十二

樂陵董養性邁公輯著

弟養中建公校正

以見天下之賾而擬諸其形容象其物宜是故謂之象

賾雜亂也云々

朱子曰先儒多以賾字為至妙之義若若此何以謂之不可惡
只是一箇雜亂冗闌底意思○訂疑即雜而不越意○又曰是謂
畫卦之初聖人見陰陽變化便畫出一畫便有一个象只管生
去便不同六十四卦各是一樣○問擬諸形容比度陰陽之形
容蓋聖人見陰陽變化雜亂于是比度其形容而象其物宜是

故謂之象曰。也是如此。嘗得郭子和云。其先人云。不獨天地風雷水火山澤是象。只畫卦便是象也。說得好。訂疑此是先窮盡天下之物理。然後畫卦。是伏羲仰觀俯察。遠取近取。始作八卦之意。擬形容。象物宜。即是畫卦。

又曰。擬諸其形容。未便是說那水火山澤之形容。方擬諸卦。看是甚形容。始去象那物之宜而名之。一陽在二陰之下。則象以雷。一陰在二陽之下。則象以風。訂疑此是先有了卦。然後擬諸卦形。以象天地山澤之物宜。蒙引駁之。

雲峯胡氏曰。聖人見天地之間。陰陽相雜。于是擬之而為六十

四卦其象亦如此之雜也。姑以乾坤二卦言之。未畫則擬陰陽之形容。而象乾坤之宜。于是為奇耦之畫。畫則象也。已畫又擬乾坤之形容。而取天地首廣馬牛以至金玉釜布之類。皆象也。訂義此是合朱子小註之兩說而兼之。將端之說。

訂○擬○擬○諸○其○形○容○而○象○其○物○宜○二○句○皆○是○未○畫○卦○之○前○而○觀○察○物○理○之○意○與○下○文○而○觀○其○會○通○以○行○其○典○禮○句○為○對○此○下○却○脫○了○設○卦○焉○以○觀○其○象○一○句○故○與○下○文○不○對○學○者○當○以○意○補○之○形○容○雷○風○山○澤○之○象○也○物○宜○物○各○有○宜○謂○德○順○動○止○之○性○也○此○言○先○天○之○易○止○有○卦○畫○而○无○文○字○第○十○二○章○所○謂○立○象○以○畫○意○設○

卦以盡情偽者也。人見下節言爻不言卦，遂謂此節指卦辭誤矣。立象設卦，尚未有辭也。故十二章云：「極天下之順者存乎卦，而亦不及彖辭也。」

蒙引擬諸形容，是將畫卦時比度天下之順底形容如何。于是畫成卦以象其物宜，即上經本義伏羲仰觀俯察見陰陽云：「也物宜物類也。」既畫卦則天下物宜如說卦所列者，皆不外此矣。○又曰：「語錄說擬其形容處，恐未穩，蓋未從說出卦如何有卦可擬形容，且與下傳所謂仰則觀象于天云：『于是始作八卦云：』者背矣。又擬字與象字須有分別，擬是畫卦之時，象是

畫卦之後、訂疑此指小註後一條說

第二章蒙引是故謂之象、此本偏主卦之象言、不兼爻、然却兼人事物類二義、如說卦所列者、天地山澤為園為君之類、則所肖物類之象也、如健順動入否畜進退決躁矯輳之類、則所肖人事之象也、訂疑人事專以性情言、亦偏。

聖人有以見天下之動、而觀其會通、以行其典禮、繫辭焉以斷其吉凶、是故謂之爻

程子曰、會通綱要也、典禮法度也、物之則也、
本義會謂理之所聚而不可遺處云、
訂疑以行、大全作可行。

他本作所行可字是。

朱子曰、會是衆理聚處、須覺得有許多難行窒礙處、必于其中、得箇通透得道理、乃可行耳、謂如庖丁解牛、于族處批大卻、道大窾、此是于其筋骨叢聚之所、得其可通之理、故十九年而刃若新發于硎、且如事理間、若不于會聚處理會、却只見得一偏、如何行底通、且如一事、關着許多道理、也有父子之倫、也有君臣之倫、也有夫婦之倫、若父子之恩重、則使得身體髮膚受之、父母不可毀傷之義、而致身之說不可行、若君臣之義重、則當委致其身、而不可毀傷之說不暇顧、此之謂觀會通。○典禮猶

言常禮常法○辭謂卦爻之辭○

訂疑會通者大中至正之理○天下古今可共由者○所謂亨者嘉○
之○會○是○也○本義云○猶說得和平○至小註○則全是處變行權之○
事○矣○豈易辭盡是疑難權變之事乎○不可從○

蒙引觀會通以行典禮○且就天下之動上說○未着在易○然後把○
此理係之于易○以斷其吉凶○
說統續兼天地萬物動則專指人事○

訂疑觀會通以行典禮○是聖人本身躬行實踐底事○所謂嘉其○
所會也○所謂經綸天下之大經也○不着作易○至繫辭焉以斷其○

吉凶方是作易以教人卜筮。因取以濟民行處。有以見天下之
賁之動。所謂明于天之故。而察于民之故也。擬諸其形容。象其
物宜。觀其會通。行其典禮。所謂洗心退藏于密。與民同患。神以
知來。知以藏往。齋戒以神明其德也。設卦繫辭以斷吉凶。所謂
開物成務。以通天下之志。以斷天下之疑也。
又中亦有象。乾本義其象為潛龍。其象為見龍在田。有能乾
惕厲之象之類是也。不言者卦之象全。爻之象不過卦象之一
節。爾繫爻之辭。內亦兼得見天下之賁。象言賁而爻言動者。互
文也。卦下亦有繫辭而獨以屬之爻者。省文也。亦互文以見義。

也。卦之象全，爻之辭多。

言天下之至賾而不可惡也，言天下之至動而不可亂也。朱子曰：雜亂處人易得厭惡，然都是道理中，含有底事，自合理會，故不可惡。動亦是含有底，上面各有道理，故不可亂。訂疑此說學易之法，言卦之象既由見天下之賾而立，故善觀象者亦當于俯仰遠近間取之，无所不該。如說卦所列者，豈不至賾然各于卦象有取而不可厭也。爻之辭既由見天下之動而繫，故善玩辭者亦當于動止語默間推之，无所不通。如此下七爻及下傳咸九四以下十一節及乾坤二卦文言多發明外

意雖非爻辭本意然于爻義有條而不紊辭之所蘊如此何可
亂也蓋天下之蹟之動无盡而聖人擬之以象爻易之象爻有
盡而意之所蘊實无盡程子易序云六十四卦為其體三百八
十四爻互為其用遠在大合之外近在一身之中暫于瞬息微
于動靜莫不有卦之象焉莫不有爻之義焉其道至大而无不
包其用至神而无不存時固未始有一而卦亦未始有定象事
固未始有窮而爻亦未始有定位以一時而索卦則拘于无變
非易也一事而明爻則窒而不通非易也正此意也
下傳曰其稱名也小其辭文此象爻之名辭有盡之易也曰其

取類也大其指遠其言曲而中其事肆而隱此言天下之至順
至動而不可惡不可亂先盡之易也

天尊地卑卑高以陳動靜有常乾道成男坤道成女應象之謂
乾效法之謂坤闔戶之謂坤闢戶之謂乾以體天地之撰以通
神明之德以類萬物之情制器尚象取諸雜益等十三卦陽一
君而二民陰二君而一民履德之基九卦易有天道人道地道
說卦雜卦皆言天下之至順者也夫子若不明說言天下之至
順至動而不可惡不可亂則凡繫辭傳說卦傳文言雜卦學者
鮮不目為支離而惡之亂之矣○學者說書先以意逆志識得

作者之本旨了却又要借書辭作題目任己意所見盡力發揮或援古今人物事實或泛言天下事理如今人作論一般然後看出道理所謂格物致知之法蓋如此孟子博學而詳說之將以反說約也詳說者言天下之至賾至動是也反說約者不可惡不可亂也至賾至動者一實萬分也不可惡不可亂者萬殊一本也學者了曉正旨後須把心胸放開寬展些然後看得書透徹

擬之而後言議之而後動擬議以成其變化

本義觀象玩辭云

或問凡一言一動皆即易而擬議之否朱子曰然
訂疑此節言君子體易之事

平庵項氏曰學者擬其所立之象以出言則言之淺深詳畧必
當其理議其所合之久以制動則動之久速仕止必各當于時
而易之變化成于吾身矣故曰以言者尚其辭以動者尚其變
此之謂也訂疑以言動分屬象久二節非餘可玩

雲峯胡氏曰前言變化易之變化也此言成其變化學易者之
變化也

蒙引本義觀象玩辭觀變玩占分動靜言是擬議之事法字無

擬議行字無言行

訂疑成其變化所謂神而明之存乎其人也

鳴鶴在陰其子和之我有好爵吾與爾靡之子曰君子居其室出其言善則千里之外應之况其邇者乎居其室出其言不善則千里之外違之况其邇者乎言出乎身加乎民行發乎邇見乎遠言行君子之樞機樞機之發榮辱之主也言行君子之所以動天地也可不慎乎

程傳至誠无遠近幽深之間故繫辭云善則千里之外應之不
善則千里之外違之言誠通也

朱子曰此本是說誠信感通之理。夫子却專以言行論之。蓋誠信感通莫大于言行。

節齋蔡氏曰。夫子取中孚九二之辭而推廣其理。

郭鵬海曰。動天地又舉感通之大者言。

梁山來氏曰。此亦如乾坤之文言。但多錯簡。

訂疑或夫子嘗有六十四卦三百八十四爻之文言。而今但存其乾坤而餘皆逸亡。繫辭所錄者乃逸文言中之僅存者。觀亢龍有悔節。即乾卦上九爻之文言可見。

同人先號咷而後笑。子曰君子之道或出或處或默或語。二人同

心其利斷金同心之言其臭如蘭

本義言君子之道云云朱子曰聖人却恁底解

誠齋楊氏曰君子之道于其心不于其迹心同迹異君子不以

迹聞心心異迹同君子不以心混迹同人之先悲後喜與君子

之甲出乙處此然彼語皆所不計矣出處同道則禹顓頊舜同

一情語默同道則史直蘧卷同一意心同故也金石至堅也然

不堅于人心故二人同心則石可裂金可拆薰蕕同器一童子

能辨之臭味不同故也取南山之蘭雜北山之蘭十黃帝不能

分臭味同故也訂疑出處同道以下是就旁人論君子之同異

說○非○君○子○先○睽○後○合○之○旨○蒙○引○從○之○非○也○

蒙○引○先○號○咷○後○笑○只○是○始○異○終○同○之○象○不○可○與○先○後○字○大○泥○故○
本○義○云○初○若○不○同○而○後○實○无○間○看○若○字○及○實○字○只○是○云○自○其○初○
而○觀○之○則○一○出○一○處○一○語○一○默○若○不○同○也○然○要○其○終○而○論○之○則○
是○二○人○者○其○心○實○同○也○

訂○疑○爻○辭○明○言○先○悲○後○喜○就○君○子○本○身○與○人○相○交○處○說○本○義○明○
云○初○不○同○而○後○无○間○亦○就○君○子○與○人○相○交○處○說○何○得○從○他○人○尚○
論○之○例○乎○

初六藉用白茅无咎子曰苟錯諸地而可矣藉之用茅何咎之有

慎之至也。夫茅之為物薄而用可重也。慎斯術也。以往其无所失矣。

節齋蔡氏曰。凡天下之事。過則有失。唯過于慎。則无所失。故无咎。

訂疑慎而无禮則憊。憊亦咎也。藉之用茅。此慎之有禮者也。當大過之時。時事艱難。不得過于慎。時之所在。即禮之所在也。蒙引自荀錯諸地。至用可重也。但就象上說。至慎斯術也。以下方說象中之意。慎猶守也。守此以往。自然言无口過。行无怨惡矣。訂疑頁言動。

勞謙君子有終吉子曰勞而不伐有功而不德厚之至也語以其

功下人者也德言盛禮言恭謙也者致恭以存其位者也
本義德欲其盛禮欲其恭也
訂疑言字作永言配命永言孝思
之言念也

南軒張氏曰大抵風之不厚不能負大翼水之不厚不能載大
舟君子處心不厚則恃勞而傲物耀功而忽人矣安能以其功
而下人乎竊觀地中有山之象夫德之盛而充實如山焉禮之
恭而接下如地焉夫內之德盛而外之禮恭所以處上而人不
忌處前而人不怨此謙所以長守其位也
訂疑德禮平對

誠○齋○楊○氏○曰○人○之○謙○與○倣○係○其○德○之○厚○與○薄○德○厚○者○无○盈○色○德○薄○者○无○卑○辭○如○鐘○磬○焉○愈○厚○者○聲○愈○緩○薄○者○反○是○故○有○勞○有○功○而○不○伐○不○德○唯○至○厚○者○能○之○其○德○愈○盛○則○其○禮○愈○恭○矣○訂疑恭本于德

蒙○引○方○勞○于○事○之○謂○勞○事○成○而○有○利○于○人○之○謂○功○不○德○謂○不○以○德○自○居○也○厚○之○至○此○是○贊○辭○如○上○條○慎○之○至○也○例○南○軒○誠○齋○之○說○似○太○深○了○德○言○盛○貼○功○禮○言○恭○貼○下○人○一○說○君○子○設○心○如○此○猶○云○君○子○學○欲○其○博○故○于○文○无○不○考○守○欲○其○要○故○其○動○必○以○禮○一○說○只○是○論○理○之○斷○謂○德○正○要○他○盛○禮○正○要○他○恭○不○必○說○君

子立心如此故本義着一言字可斷。訂疑上說是

程傳君子履謙乃其常行非為保其位而為之也。而言存其位者蓋能致恭所以能存其位也。如言為善有令名君子豈為令名而為善也哉亦言其令名者為善之故也。訂疑此分有心无心也。看來君子亦有安勉安者自然能恭不必計其位之存也。勉者則計及位之存亡自不敢不恭然均之為君子

梁山來氏曰德者及人之德即功勞也德欲及人常有餘禮欲視已常不足。訂疑此蒙引後說

亢龍有悔子曰貴而无位高而无民賢人在下位而无輔是以動

而有悔也

疏上既以謙德保位。此明无謙則有悔。故引乾之上九。証勝亢不謙也。訂疑陳明卿從之。

本義當屬文言。此蓋重出。

訂疑乾文言。君子行此四德者。節本義云。下文別以子曰表孔子之辭。蓋傳者欲以明此章之為古語也。愚謂玩本義此言。則是十翼雖孔子所作。而實為門人所記。如大學傳雖曾子所作。而亦為門人所記。故中有曾子曰字。皆非孔子曾子手錄之書也。故乾文言六爻皆有初九曰何謂也。而此節則刪此六字。亦

如論語一書。本皆孔子與門人之言行。而記之有詳畧。或大同小異。則皆後人之節取有不同耳。

不出戶庭。无咎。子曰。亂之所生也。則言語以為階。君不密則失臣。臣不密則失身。幾事不密則害成。是以君子慎密而不出也。

建安丘氏曰。久義主出處之節言。此兼及言語之節者。蓋口舌乃人一身之門戶。一語不謹。則失臣失身。殃禍立至。此君子之所重也。

誠齋楊氏曰。唐高宗告武后。以上官儀教我廢放。此君不密而失臣也。陳蕃乞宣臣章以示宦者。此臣不密則失身也。冠準欲

去王歎若而被酒漏言○此幾事不密則害成也○

蒙引幾事不密○通衆人言○不止君臣也○

梁山來氏曰○如韓琦處任守忠之事○歐陽脩曰○韓公必自有說○此密幾事也○

訂疑晉狐射姑殺陽處父○而春秋書國以殺○罪襄公之漏言也○此君不密則失臣也○鄭伯使雍糾殺祭仲○糾謀洩○祭仲殺雍糾○鄭伯曰○謀及婦人○宜其死也○鄭伯突出奔蔡○此臣不密則失身○幾事不密則害成也○

子曰作易者其知盜乎○易曰負且乘○致寇至○負也者○小人之事也○

乘也者君子之器也。小人而乘君子之器，盜思奪之矣。上慢下暴，盜斯伐之矣。慢藏誨盜，冶容誨淫。易曰：負且乘，致寇至。盜之招也。梁山來氏曰：上慢者慢其上，不忠其君；下暴者暴其下，不仁其民。

訂疑上慢君、下暴民，此鄙夫之常也。慢藏誨盜，釋致寇之義。乃別一義，與上文不屬。如坤文言釋初六之例。

右第八章

本義此章言卦爻之用，訂疑殊不可解。

節齋蔡氏曰：自中孚二爻至此，乃夫子擬議之辭，而為三百八

十四久之凡例也。訂疑下傳釋成九四久以下十一節與釋大有上九久一節及乾坤文言皆然。久之有義非辭不明而天下之事變化无窮又豈辭之所備哉。苟玩之者拘而不通則一久不過一事而已然夫子之辭特發其端耳學者當玩而有得也。雲峯胡氏曰夫子于乾坤皆有文言以申彖傳象傳之意其餘彖傳蓋亦有之如履與豫釋卦辭已畢復曰剛中正履帝位而无疚光明也。天地以順動故日月不過云云此類皆是也。然則繫辭此類即象傳之文言也。善學者可觸類而通其餘矣。訂疑草蘆吳氏別出下七久附于文言傳而獨存聖人有以見

天下之賸九十五字。自為一章。大是。然大有上九。爻咸九四等。爻亦當如此。

天一地二。天三地四。天五地六。天七地八。天九地十。

程子曰。自天一至地十。合在天數五上。簡編失其次也。天一生數。地六成數。終有上五者。便有下五者。二五合而成陰陽之功。本義此簡本在第十章之首云。

董叔重問曰。河圖之數。不過一奇一偶相錯而已。故太陽之位。即太陰之數。少陰之位。即少陽之數。少陽之位。即少陰之數。太陰之位。即太陽之數。見其迭陰迭陽。陰陽相錯。所以為生成也。

天五地十居中者地十亦天五之成數。蓋一二三四已含六七
八九者以五乘之故也。蓋數不過五也。洛書之數因一二三四
以對九八七六其數亦不過十。蓋太陽占第一位已含太陽之
數。少陰居第二位已含少陰之數。少陽占第三位已含少陽之
數。太陰居第四位已含太陰之數。雖其陰陽各自為數。然五數
居中。太陽得五而成六。少陰得五而成七。少陽得五而成八。太
陰得五而成九。則與河圖一陰一陽相錯而為生成之數者亦
無以異也。訂疑出經濟文衡前集四卷

朱子答袁侍郎云。夫以河圖洛書為不足信。自歐陽公以來已

有此說。然終无。奈。顏命。繫辭論語。皆有是言。而諸儒所傳二圖之數。雖有交互。而无。乖戾。順數。逆推。縱橫。曲直。皆有則法。不可得而破除也。至于河圖與易之天一至地十者。合而載天地五十有五之數。則固易之所自出也。洛書與洪範之初一至次九者。合而具九疇之數。則固洪範之所自出也。繫辭雖不言伏羲受河圖以作易。然所謂仰觀俯察。近取遠取。安知河圖非其中之一事耶。大抵聖人制作所由。初非一端。然其法象之規模。必有最親切處。如鴻荒之世。天地之間。陰陽之氣。雖各有象。初未嘗有數也。至于河洛之初。然後五十有五之數。燦然可見。此其

所以深發聖人之獨智又非汎然氣象之所可得而擬也是以仰觀俯察遠求近取至此而後兩儀四象八卦之陰陽奇偶可得而言雖繫辭所論聖人作易之由者非一而不害其得此而後決也

訂疑出經濟文衡前集四卷

平庵項氏曰姚大老云天一至地十班固律曆志及衛元嵩元包運蓍篇皆在天數五之上程朱皆用此說今從之為是

訂疑本義自五十居中以上是正解本文以下為大衍以下張本

天地之數止于十者天地以陰陽五行化生萬物五行各有一

生○數○一○成○數○故○止○于○十○也○本○文○明○云○天○數○地○數○天○地○之○數○不○言○
河○圖○之○數○也○而○本○義○舍○本○文○天○地○之○數○而○以○河○圖○解○之○余○竊○疑○
之○蓋○本○義○之○意○以○下○文○有○五○位○相○得○而○各○有○合○一○句○謂○天○地○之○
數○自○一○至○十○只○是○以○一○直○數○去○无○所○謂○五○位○而○世○所○傳○之○河○圖○
其○數○又○通○與○天○地○之○數○自○一○至○十○者○相○合○又○河○圖○自○中○五○次○十○
次○一○二○三○四○次○六○七○八○九○各○居○五○行○之○方○位○為○相○得○有○合○又○後○
章○有○河○出○圖○聖○人○則○之○文○故○定○以○此○章○本○文○天○地○之○數○為○河○
圖○之○數○也○愚○按○後○章○雖○云○河○出○圖○聖○人○則○之○不○云○則○之○為○何○用○
果○畫○卦○乎○抑○制○著○乎○又○與○洛○書○並○言○之○不○知○何○故○又○下○繫○但○云○

伏羲氏仰觀天文、俯察地理、觀鳥獸之文、與地之宜、近取諸身、遠取諸物、而不一及河圖、此畫卦之不本于河圖也。又後章云、明于天之道、察于民之故、是興神物、以前民用、又歷言闔闢往來、見象形器制用之法、又曰、天生神物、聖人則之云、然後云、河出圖、洛出書、聖人則之、亦未明言則之以制蓍、又未嘗專以蓍數為本河圖也。至說卦傳、直云、聖人作易、幽贊于神明而生蓍、參天兩地而倚數、又絕不及河圖、則此章天地之數、即說卦傳所謂參天兩地而倚數者也。縱使河圖之數、亦或為聖人所則、亦不過觀鳥獸之文、遠取諸物、萬中之一耳、豈可舍明之之

本○文○莫○大○之○天○地○而○必○強○以○天○地○之○數○為○河○圖○之○數○乎○况○今○相○傳○之○河○圖○又○大○率○出○于○後○儒○之○臆○度○或○好○事○者○之○附○會○而○不○足○據○也○愚○有○辯○在○後○河○出○圖○下○

或○曰○既○不○取○河○圖○之○說○則○五○位○之○說○于○天○地○之○數○如○何○說○乎○曰○自○一○至○十○之○數○起○于○五○行○五○行○之○位○水○王○于○北○木○王○于○東○火○王○于○南○金○王○于○西○土○寄○王○于○四○時○之○季○十○八○日○或○十○九○日○而○居○于○中○央○五○行○之○生○成○各○占○二○數○一○生○水○六○成○之○故○一○六○屬○水○而○位○于○北○二○生○火○七○成○之○故○二○七○屬○火○而○位○于○南○三○生○木○八○成○之○故○三○八○屬○木○而○位○于○東○四○生○金○九○成○之○故○四○九○屬○金○而○位○于○西○五○

生○土○十○成○之○故○五○十○屬○土○而○位○于○中○而○相○得○有○合○之○義○亦○自○明○
句○易○見○何○必○河○圖○而○始○通○乎○世○所○傳○河○圖○之○數○正○因○此○章○天○地○
之○數○而○附○會○之○耳○

中五為衍母、次十為衍子、詳大衍節、

一○二○二○四○為○四○象○之○位○六○七○八○九○為○四○象○之○數○伏○義○畫○卦○四○象○
次○序○老○陽○位○一○少○陰○位○二○少○陽○位○三○老○陰○位○四○故○曰○次○一○二○三○
四○為○四○象○之○位○以○十○數○論○之○除○五○與○十○為○大○衍○之○數○一○二○三○四○
為○四○象○之○位○其○餘○六○即○四○之○餘○也○七○即○三○之○餘○也○八○即○二○之○餘○
也○九○即○一○之○餘○也○故○六○七○八○九○為○四○象○之○數○也○下○文○乾○之○策○本○

義太陽居一而連九云○即指此也○

二老位于西北○一為老陽位于北○四為老陰位于西也○二少位于東南○二為少陰位于南○三為少陽位于東也○

其數則各以其類交錯于外也○老陽之數與老陰之位為類○老陰之數與老陽之位為類○少陰之數與少陽之位為類○少陽之數與少陰之位為類也○而老陽之數錯于老陰之位外○老陰之數錯于老陽之位外○少陰之數錯于少陽之位外○少陽之數錯于少陰之位外也○

西北肅殺之方○无用地○東南長養之方○用事之地○故二少位

于東南以效生育之能。二老位于西北而處空虛之所。此如父
母老傳而退休。无為以坐視子婦之生成。聽其有為也。其數各
以類各錯于外。此如男女各以其年之少長為夫婦也。下文所
謂五位相得而各有合者。即于此數句內見之。而本義猶未見
及于是。○朱子就此位數上看得與伏羲四象之位揲蓍之數
有相符合處。故豫于此處發之。以為下文張本。乃前賢所未發
也。

天數五地數五五位相得而各有合。天數二十有五地數三十凡
天地之數五十有五。此所以成變化而行鬼神也。

註天地之數各五○五數相配○以合成金木水火土○五奇合為二
十五○五耦合為三十○變化以此成鬼神○以此行
疏天一與地六相得○合為水○地二與天七相得○合為火○天三與
地八相得○合為木○地四與天九相得○合為金○天五與地十相得
合為土也○

訂疑註疏之說○本義所從出○而相得有合之說○尤勝于本義
本義相得○謂一與二○云云○至兩相合○

訂疑本義釋相得二字最難貼○且于五位无與○愚謂既言五位
相得分明○是就五行之位上○取了一與六為一位○居北方得水○

位○矣○二○與○七○為○一○位○居○南○方○得○火○位○矣○三○與○八○為○一○位○居○東○方○
得○木○位○矣○四○與○九○為○一○位○居○西○方○得○金○位○矣○五○與○十○為○一○位○居○
中○得○土○位○矣○蓋○水○火○不○可○同○居○金○木○不○可○相○守○使○各○居○一○方○土○
冲○氣○居○中○以○間○隔○之○而○因○以○應○乎○四○方○于○是○五○行○各○得○其○所○各○
司○其○令○各○遂○其○才○以○效○功○于○天○地○而○不○相○妨○害○此○如○左○傳○所○稱○
高○辛○氏○有○二○子○伯○曰○闕○伯○季○曰○實○沈○居○于○曠○林○不○相○能○也○日○尋○
千○戈○以○相○征○討○帝○遷○闕○伯○于○高○丘○主○辰○為○商○星○遷○實○沈○于○大○夏○
主○參○焉○此○天○地○善○全○物○性○之○妙○用○故○聖○人○因○以○十○數○分○為○五○位○
各○以○五○行○之○方○配○之○故○曰○五○位○相○得○也○或○曰○土○尅○水○五○十○居○中○

為土而北與一六之水相鄰是五十與一六不相得也曰水淫而○易○流○得○土○以○隄○防○之○始○不○沉○溢○土○又○冲○氣○不○雅○不○相○害○而○且○相○成○矣○

有合二字本義是矣而未暢其義上文本義中五為衍母次十為衍子二老位于西北二少位于東南其數各以其類交錯于外此如男女各以少長為配固見有合之義然以五行之位數論之則一與六二與七三與八四與九五與十各以其行之一生一成者相合此如男女以才德相配為夫婦一剛一柔同心同力合而有助也或曰如本義所云一與二三與四五與六七

與八九與十豈不各以奇耦為配而自相合乎曰此如一父母之子女比肩相次兄弟姊妹无相匹之理故必隔五相合如異姓各以男女交配為婚姻也

漢書五行志火炎上傳云天以一生水地以二生火天以三生木地以四生金天以五生土五位皆以五而合而陰陽易位故曰妃以五成然則水之大數六火七木八金九土十訂疑五位皆以五而合謂如一生水隔二三四五而合于六二生火隔三四五六而合于七皆歷五數而得其合也陰陽易位如水之位一為陽而其相合之數則六為陰火之位二為陰而

其相合之數。則七為陽之類也。此亦如上節本義云。二老位于西北。二少位于東南。其數則各以其類交錯于外也。但本義以四象言。班氏則以五行言。其所指不同也。然本義則實本于漢書而變其說耳。水之大數六云。謂水之位為一。其數則六也。火七木八金九土十。放此大者多也。一二三四五少者為五行之位。六七八九十多者為五行之數也。此如朱子本義。以一二三四為四象之位。六七八九為四象之數。本義亦本漢書而變其說耳。愚為五位相得而各有合之說。後又得此以証之。為之快甚。又見得五位相得。謂一二三四五得五行之正位。各有合。

周易訂疑

卷十三

二

正誼堂

謂六七八九十各以次第合于一二三四五之位也

本義變化謂一變生水云云至十化成之

朱子曰五行有以質而語其生出之序者則曰水火木金土有以氣而語其流行之序者則曰木火土金水陰根陽火陽根陰錯綜而生其端是天一生水地二生火天三生木地四生金天五生土到得運行處便水生木木生火火生土土生金金又生水水又生木循環相生又曰陽變陰合訂疑合即化也初生水火水又生木流動閃爍其體尚虛其成形猶未定次生木金則確然有定矣又曰天地生物先其輕清以及重濁天一生水

地○二○生○火○二○物○在○五○行○中○最○輕○清○金○木○復○重○于○水○火○土○又○重○于○金○木○

訂○疑○班○固○律○曆○志○天○以○一○生○水○地○以○二○生○火○天○以○三○生○木○地○以○四○生○金○天○以○五○生○土○朱○子○本○義○本○此○然○為○釋○變○化○二○字○故○不○曰○天○地○而○曰○變○化○其○實○不○及○班○氏○或○曰○何○不○以○一○生○水○二○成○之○三○生○木○四○成○之○五○生○火○六○成○之○七○生○金○八○成○之○九○生○土○十○成○之○而○必○隔○五○為○生○成○哉○曰○當○其○生○時○五○行○雖○有○先○後○亦○須○一○齊○俱○生○但○微○有○差○次○耳○不○應○隔○許○多○時○而○後○再○生○一○行○也○且○始○生○尚○穉○豈○能○遽○成○亦○必○須○長○養○些○時○甫○能○得○成○也○故○一○生○水○次○生○火○

次○生○木○次○生○金○次○生○土○五○者○生○完○初○生○者○亦○漸○壯○盛○故○六○成○水○
次○成○火○次○成○木○次○成○金○十○成○土○先○生○者○亦○以○次○先○成○之○此○如○人○
必○驗○于○人○訂○慈○者○節○得○之○
家○生○子○女○一○般○先○生○者○即○先○為○婚○娶○也○

變○化○二○字○依○註○疏○本○義○及○律○曆○志○則○如○上○文○云○愚○竊○謂○此○變○
化○即○乾○道○變○化○之○變○化○變○者○化○之○漸○化○者○變○之○成○變○者○自○无○而○
之○有○化○者○自○有○而○之○无○四○時○之○令○各○一○其○行○成○功○者○退○方○其○當○
時○行○事○則○為○王○為○相○而○曰○變○及○時○過○而○退○則○為○休○為○囚○而○曰○化○
變○化○无○時○无○之○不○止○春○夏○為○變○秋○冬○為○化○也○天○地○生○成○萬○物○不○
過○陰○陽○五○行○分○而○為○二○氣○則○為○陰○陽○分○而○為○四○時○則○為○五○行○木○

王于春火王于夏金王于秋水王于冬土則寄王于四季各十八日或十九日而尤盛于夏季以火生土也由相而王變也由休而囚化也

本義鬼神謂凡奇耦生成之屈伸往來者

訂疑本義以變化字分屬自一至十奇耦之數為五行之生成又以鬼神為奇耦生成之屈伸往來亦不可解愚謂如春夏木火用事則為來為伸而為神秋冬之金水功成告退則為往為屈而為鬼矣如秋冬金水用事則為來為伸而為神春夏之木火功成告退則為往為屈而為鬼矣又細分之春木王而水退

則○木○為○神○而○水○為○鬼○夏○火○王○而○木○又○退○則○火○為○神○而○木○又○為○鬼○
秋○冬○亦○然○此○天○地○之○變○化○鬼○神○也○而○莫○不○有○一○定○之○數○節○制○于○
其○間○如○水○生○于○一○而○成○于○六○休○于○三○八○而○因○于○二○七○火○生○于○二○
而○成○于○七○休○于○五○十○而○因○于○四○九○之○類○此○自○一○至○十○五○十○有○五○
之○數○乃○所○以○成○變○化○而○行○鬼○神○者○也○

王○臨○卿○曰○變○化○二○字○本○義○因○周○子○有○陽○變○陰○合○而○生○水○火○木○金○
土○之○說○遂○以○此○解○經○訂○疑○經○當○作○傳○不○知○周○子○此○說○是○論○五○行○
生○成○之○序○非○為○天○地○之○數○成○變○化○行○鬼○神○設○也○蓋○天○地○之○五○數○
是○即○所○謂○五○行○也○五○行○成○變○化○而○行○鬼○神○非○謂○五○行○因○變○化○而○

成也

鄭○核○如○曰○變○化○二○字○如○乾○道○變○化○之○義○不○當○以○五○行○分○貼○鬼○神○則○變○化○之○屈○伸○往○來○者○非○有○二○也○變○化○鬼○神○皆○就○氣○機○說○蓋○此○只○言○圖○數○中○具○有○成○變○化○行○鬼○神○之○理○

訂○疑○憑○辯○本○義○之○說○後○得○王○氏○鄭○氏○之○說○又○為○之○一○快○以○十○數○配○造○化○五○行○正○大○明○暢○確○不○可○易○矣○自○一○至○十○之○數○此○聖○人○參○天○兩○地○而○立○之○者○也○天○氣○實○只○一○箇○故○為○一○地○體○虛○能○容○天○氣○往○來○于○中○便○是○分○開○兩○判○故○為○二○一○加○二○為○三○除○一○為○數○之○本○二○加○二○為○四○二○加○三○為○五○三○二○二○三○

皆為六兩二一三則為七兩三一二則為八三三為九一加九
為十二加八亦為十三加七亦為十四加六亦為十五加五亦
為十一為數之始祖故算家至盡不除一十為數之成故小九
九之數至十不復算除一與十為數之始終不起算餘四五六
七八九皆由二三而起此本義謂參天兩地數皆倚此而起也
夫子以此十數以五奇屬天五耦屬地猶一歲之分為陰陽二
氣也又以一六為水二七為火三八為木四九為金五十為土
猶一歲之分為四時而四季各土王用事十八日或十九日也
至于陰陽五行之進退屈伸即歲功之循環无端終始无間而

天○地○之○所○以○成○變○化○而○行○鬼○神○者○皆○不○能○出○此○十○數○之○外○此○聖○人○所○制○之○數○有○以○範○圍○天○地○而○不○過○者○也○以○其○數○之○生○也○由○于○天○地○故○謂○之○天○地○之○數○言○非○人○之○私○智○所○能○損○益○也○妙○哉○至○矣○此○自○一○至○十○之○數○乎○

此○兩○節○贊○古○聖○人○所○制○十○數○之○妙○一○二○三○四○五○六○七○八○九○十○天○數○五○地○數○五○天○數○二○十○有○五○地○數○三○十○皆○聖○人○所○制○之○數○也○與○下○文○大○衍○之○數○五○十○其○用○四○十○有○九○分○而○為○二○掛○一○揲○之○以○四○歸○奇○于○扚○再○扚○而○後○掛○乾○之○策○二○百○一○十○有○六○坤○之○策○百○四○十○有○四○凡○三○百○有○六○十○二○篇○之○策○萬○有○一○千○五○百○二○十○四○營○而○成○

周易訂疑

卷十一

五

正誼堂

易十有八變而成卦。八卦而小成。相配為例。首節五天。字五地。字次節五位。相得而各有合。此所以成變化而行鬼神也。皆贅數之妙。足配造化也。與下文以象兩以象三以象四時以象閏五歲再閏當暮之日。當萬物之數。天下之能事畢矣。相對為例。朱子亦云詳下節。

梁山來氏曰。變化者數也。即下文知變化之道之變化也。鬼神指下文卜筮而言。即下文佑神。其知神之所為之鬼神。故曰卜筮者先王所以使信時日敬鬼神也。非屈伸往來也。訂疑此說亦可與本義相通。但未曉暢。愚為之衍其說焉。曰相

得而各有合。謂一與六一為老陽之位。六為老陰之數。同居于北。二與七。二為少陰之位。七為少陽之數。同居于南。三與八。三為少陽之位。八為少陰之數。同居于東。四與九。四為老陰之位。九為老陽之數。同居于西。五與十。五為衍母。十為衍子。同居于中。是亦相得老少之宜。而各有陰陽之合也。變化謂揲著者老陰變為少陽。老陽化為少陰也。鬼神謂如下文揲著者之數法。出于理勢之自然。而非人之知力所能損益。而其揲數策數進退離合之妙。皆出自然。非人之所能為也。而皆從五位之數而起。故曰天地之數五十有五。此所以成變化而行鬼神也。如此。

則與本義上下文皆相穩合。而此節之變化鬼神。又與末節知變化之道者。其知神之所為乎。一呼一應。而首尾相為擊動。亦一大奇也。○相得有合。在太陽居一而連九上。亦可見得。

太衍之數五十。其用四十有九。分而為二。以象兩掛一。以象三揲。之以四。以象四時。歸奇于扚。以象閏五歲。再閏。故再扚而後掛。註王弼曰。其用四十有九。則其一不用。不用而用以之通。非數而數以之成。斯易之太極也。奇凡四揲之餘。不足復揲者也。○疏掛一以象三者。就兩儀之間。于天數之中。分掛其一。而配兩以象三才也。○訂疑與筮儀不同。筮儀云。以右手取右大刻之一。

策卦于左手之小指間

本義大衍之數五十、蓋以河圖中宮○天五乘地十而得之○
訂疑本義與首節本義中五為衍母、次十為衍子、其說不同、朱
子小註、河圖洛書之中數、皆五衍之而各極其數、以至于十、則
合為五十矣、此首節本義之說也、○又曰、五十五之中、其四十
者、分為陰陽老少之位數、而其五與十无所為、則又以五乘十
十乘五而亦皆為五十矣、此本節本義天五乘地十之數也、○
如子母之說、則十為无用、如相乘之說、則五與十皆有用、相乘
之說似長

本義出于理勢之自然而非人之智力所能損益也。訂疑為下文神之所為張本

掛懸其一于左手小指之間也。

訂疑本義不云取何手之策。按筮儀云、以右手取右大刻之一策、掛于左手之小指間。大全朱子小註曰、掛一者、于右手之中、取一策、懸于左手之小指間。愚謂不如孔疏于天數之中分掛其一也。蓋人之生資始于天。又乾道成男、配兩儀而成三才者、必男子也。掛一象三之策、其當取于左手无疑矣。

本義勅勒于左手中三指之兩間也。

朱子曰。左手者歸之于第四第三指之間。右手者歸之于第三第二指之間。

訂疑本當掛扚皆在右手。以右手便作事故皆于左手掛之。扚之以近中者為上。故先者扚于三四指之間。後者扚于三二指之間也。

本義閏積月之餘日云云。

西山蔡氏曰。天行之數三百六十。每歲氣盈六日。朔虛六日。一歲餘十二日。三歲餘三十六日。以三十日為一閏。更餘六日。又二歲餘二十四日。合前餘六日為三十日。為再閏。再扚而後掛。

者再切之後復以所餘之策合而為一為第二變再分再掛再
揲也。不言分二揲四獨言掛一者明二變不可不掛也。又曰人
與天地並立為三。天地非人則无以裁成輔相。故分二必掛一
也。

說統按曆法。一歲以三百六十日為中數。天行疾于日。一歲日
與天會而多五日有奇。訂疑而多之間當有天行二字。是二十
四氣常有餘為氣盈。月行又緩于日。一歲月與日會。凡十二而
少五日有奇。是十二朔常不足為朔虛。就日定歲。一歲餘十有
二日。三歲積三十六日。以三十日置一閏月。尚餘六日。復加二

歲餘二十四日○奏成三十日○為再閏○蓋曆法五歲之中有再閏○故筮法四營之後○亦有再扐○或謂歸奇句在三年一閏上言再

扐後掛在五歲再閏上言○非是○朱子曰○掛一一歲○揲左二歲○扐左三歲○一閏○揲右四歲○扐右五歲○再閏也○

訂疑朱子之說○非也○既以掛一象三○矣○揲四象四○時○矣○柰何復○以掛一左右○揲象一歲○二歲○四歲乎○既以扐象閏矣○柰何復○以象三歲○五歲乎○蓋本文只言再扐○不言五者○則但取再扐而後○掛象再閏而後○別起積分耳○不必強牽象三象四○時象閏之掛○

一左右揲左右○初復以象五歲也○大傳正不爾區々求合也○再劫以象再閏後卦以象別起積分不言象別起積分者省文也○

朱子曰○繫辭傳言○蓍法○是解其大畧○想別有文字○今不可考○但如○天數五○地數五○此是舊文○五位相得而各有合○是孔子解文○天數二十有五○地數三十○凡天地之數五十有五○此是舊文○此所以成變化而行鬼神○此是孔子解文○分而為二○卦一揲之以四○歸奇于扚○皆是本文○以象兩○以象三○以象四○時以象閏之類○皆是解文也○乾之策二百一十有六○坤之策百四十有四○孔子

則○斷○之○以○當○春○之○日○二○篇○之○策○萬○有○一○千○五○百○二○十○孔○子○則○斷○
之○以○當○萬○物○之○數○于○此○可○見○訂○疑○愚○又○以○首○節○及○四○營○而○成○易○
以○下○至○天○下○之○能○事○畢○矣○亦○非○此○例○詳○上○節○

乾之策二百一十有六坤之策百四十有四凡三百有六十當春之日

註陽爻六○一爻三十六策○六爻二百一十有六○陰爻六○一爻二
十四策○六爻百四十四策○

疏以乾老陽一爻有三十六策○六爻凡二百一十六策也○乾之
少陽一爻二十八策○六爻則有一百六十八策○此據老陽之策

也。坤之老陰一爻有二十四策。六爻故一百四十有四策也。若坤之少陰一爻有三十二。六爻則有一百九十二。此據坤之老陰故百四十有四也。三百六十日舉其大畧不數五日四分之

一也。

訂疑註疏亦好。但不說此策數從何而得。則下落不明。故本義又細推其得此策數之所以然。

本義凡此策數生于四象云云。至太陰居四而連六。

訂疑十者天地之全數也。一便含九。九者一之餘數也。故太陽居北之內一。而連西之外九。二便含八。八者二之餘數也。故少

陰居南之內二。而連東之外八。三便含七。七者三之餘數也。故少陽居東之內三。而連南之外七。四便含六。六者四之餘數也。故太陰居西之內四。而連北之外六。居一居二居三居四者。橫圖四象之次第也。太陽居一連九云。則以天地之數。分為五行之五位。除五十居中。為大衍之數。而以其次之一二三四為四象之位。次之六七八九為四象所含之數。而適與之內外相連焉。此如朋友姻黨表裏糾繆鄰比相資。有元相周也。此朱子就天地之數上看出此義。故前云二老位于西北。二少位于東南。其數則各以其類交錯于外。而于此焉。又就其居連之位而

發其義因以見揲著之法與策數所從起也

朱子曰策者著之筮數曲禮所謂策為筮者是也乾坤二篇策正以其掛初之外見存著數為言耳

本義揲著之法通計三變之餘去其初掛之一凡四為奇凡八為耦

訂疑初掛之一不宜合之左右所掛之策而當合之第一變過揲策中以為第二變之用至第二變畢則又取掛一之策合之第二變過揲策中以為第三變之用至三變畢然後除其所掛之一如此則三變所掛之策皆左一則右三左二則右亦二左

三則右一左四則右亦四二變三變與初變皆得四者三得八
 者一而無蔽蒙所云紛二不同之弊矣且歸奇之策不四則八
 三變皆同初變不至多一策而為五為九積之于无用而去之
 第二第三變不至少一策而為三為七而反借掛一之策以足
 四八之數矣或曰三變既畢歸奇之策取以定奇耦老少之畫
 過樸之策取以定陰陽老少之策此掛一之策置之何用曰歸
 奇之策凡四為奇凡八為耦奇員者一而圓三耦方者一
 而圓四此所謂一者何所取之即取此所掛之一以為方圓所
 圍之徑一耳如此則掛一之策亦不為无用矣

本義凡四為奇。凡八為偶。○啓蒙曰。三奇為老陽。為一者三。兩奇一耦為少陰。為一者二。為二者一。兩耦一奇為少陽。為二者二。為一者一。三耦為老陰。為二者三。○王齋胡氏曰。為一者。謂一箇四策為一。一即四也。即奇也。故不言四而言一。為二者。謂二箇四策為二。二即八也。即耦也。

本義奇圓圍三。耦方圍四。三用其全。四用其半。

王齋胡氏曰。一奇象圓而圍三。本參天之義。二耦象方而用半。亦兩地之義。

訂疑奇圓圍三。耦方圍四。三用其全。四用其半。此取陽全陰半。

陽得蕪陰不得蕪陽之義。圖通而說卦傳參天兩地本義云。
天圓地方。圓者一而圍三。三各一奇。故參天而為三方者一而。
圍四。四合二耦。故兩地而為二。與此處本義不同。而其說本天。
地取方圓。本方圓取三二。更為明暢。蓋說卦本文有天地字。故。
本義即就天地取方圓。此處无天地字。故但泛言奇耦。其下字。
各有所當。非偶然也。但用全用半。與說卦本義三各一奇。故參。
天而為三四合二耦。故兩地而為二。為不同耳。或朱子于此等。
處亦不十分見得下落。而以已意度之。見有此二義。皆說得去。
故分註兩處。令後人擇之。亦如大衍之數五十。謂取之河圖矣。

而或謂一衍為十或謂天五乘地十亦是二說難定孰是故分註于首節三節而令後人擇之也

本義上文既云一二三四為四象之位六七八九為四象之數則是陰陽老少之取數于六七八九者已有據不必又從方員全半等討下落矣此如樸之以四以象四時矣豈必又于別處更討樸四之故乎

本義積而數之則為六七八九
訂疑此指歸奇之數而言詳下本義
本義而第三變樸數策數亦皆符會

訂疑此指過樸之數通三變言之不止言第三變也第字當作衍文

本義蓋餘三奇則九云至是為居四之老陰

訂疑本義餘三奇則九餘二奇一耦則八二耦一奇則七三耦則六此積歸奇之策數則為六七八九也本義而其樸亦九而其樸亦八而其樸亦七而其樸亦六此樸數之六七八九與歸奇之六七八九相符會也本義策亦四九三十六策亦四八三十三策亦四七二十八策亦四六二十四此策數之六七八九相符會也予初謂樸數上聲策數去聲為樸數上聲之策數

作一事看。吾弟養中曰：揲數策數，數字皆去聲。此是揲數與策數作二項看。今以本義觀之，良是。

本義是其變化往來進退離合之妙，皆出自然，非人之所能為也。訂疑此亦為末節張本。

啟蒙蓋四十九策，除初掛之一而為四十八，以四約之為十二，以十二約之為四，故揲之一變也。掛扚之數一，其四者為奇，而其四者為耦，其三變也。掛扚之數三，其四一，其十二而過揲之數九，其四三，其十二者為老陽，掛扚過揲之數皆六，其四兩，其十二者為老陰，自老陽之掛扚而增一四，則是四十四也。一其

本義凡三百六十五日。四分日之一云。訂疑四分日之一。謂以一日十二時分作四分。四分之一。則三箇時辰也。

朱子曰。替之日。以氣言之。則有三百六十六日。以朔言之。則有三百五十四日。今舉氣盈朔虛之中數而言。故四三百有六十。二篇之策。萬有一千五百二十。當萬物之數也。

疏二篇之爻。總有三百八十四爻。陰陽各半。陽爻一百九十二。陰爻一百九十二。別三十六。總有六千九百一十二也。陰爻亦一百九十二。別二十四。總四千六百八也。陰陽總合萬有一千五百二十。當萬物之數也。

本義凡陽爻百九十二云○訂疑用疏○朱子曰○當萬物之數○亦是取象之辭○不是萬物恰有此數○又曰○若為少陽○則每爻二十八○策凡五千三百七十六○少陰○則每爻三十二○策凡六千一百四十四○合之亦為萬○有一千五百二十也○

是故四營而成易○十有八變而成卦○

註分而為二○以象兩○一營也○掛一○以象三○二營也○揲之以四○三營也○歸奇于扚○四營也○

疏營謂經營○謂四度經營○著策乃成易之一變也○

本義四營云○朱子曰○易字只是箇變字○四度經營方成一

變若說易之一變。却不可。這處未下得卦字。亦未下得爻字。只下得易字。

訂疑班固律曆志。三微而成著。三著而成象。二象十有八變而成卦。四營而成易。為七十二。愚謂三微成著。三變成爻也。三著成象。三爻成內卦也。二象十有八變而成卦。十八變而成六畫之卦也。十八變凡七十二營。

八卦而小成

本義謂九變而成三畫。得內卦也。

蒙引既曰十有八變而成卦。則求卦之法備矣。乃又曰八卦而

小成何也。曰：上文四營而成易，以一變者言也。遂乘勢而說到十有八變而成卦處，中間有內體之卦一節，未及發，故反足之。以此句亦理勢之宜然也。

引而伸之觸類而長之，天下之能事畢矣。

註伸之六十四卦。

疏謂引長八卦而伸盡之，為六十四卦也。觸類而長之，謂觸逢事類而增長之。若觸剛之事類，以次增長于剛；若觸柔之事類，以次增長于柔。天下萬事皆如此例，各以類增長，則天下所能之事法象皆盡。故曰：天下之能事畢矣。訂疑朱子小註從之。

本義謂已成八卦云云。○雙湖胡氏曰：按四千九十六卦乃焦延壽變卦之法。詳見啟蒙原卦畫篇。

訂疑按焦氏易林四千九十六卦各繫以辭。實是四千九十六事之占也。○若本義及啟蒙所變之卦。仍是六十四卦三百八十四爻之辭耳。何取于四千九十六乎。

朱子曰：引而伸之、觸類而長之。是占得這一卦。則就上面推看。如乾則推其為園、為君、為父之類是也。訂疑此即疏說也。雖非本旨。猶勝本義。

訂疑三變成爻。爻凡十二。營象十二時為一日也。十八變而成。

卦卦凡七十二營象七十二候而為一歲也。八卦而小成謂九變而成三畫象。天干凡九周而為一時也。是與曆法亦各有所象。而夫子不言者。畧其細小。不屑瑣。求合也。愚偶見及因附錄之。

又按四營而成易。十八變而成卦。八卦而小成。此三句。當與分二掛一。揲四歸奇。再扐後掛。乾坤之策三百六十二篇之策萬有一千五百二十。例看引而伸之。觸類而長之。天下之能事畢矣。三句。當與象兩象三象四時象閏五歲再閏。當暮之日。當萬物之數。例看所以替筮法之妙也。

引伸觸長承上文四營而成易十八變而成卦就一卦言之已
有十八變七十二營矣若依此例引而伸之觸類而長之則六
十四卦共三百八十四爻共得一千一百五十二變四千六百
八營是又有以當天下之能事矣蓋天下之事同歸而殊途一
致而百慮變化无穷經緯多端今襟著之營變足以象之如此
蓋象兩象三象四時象閏時著之日以筮法配天地也當萬物
之數以筮法配物理也天下之能事畢矣以筮法配人事也
顯道神德行是故可與酬酢可與祐神矣
註酬酢猶應對也○疏言易道訂疑易道當作筮法下放此如

此萬物萬物當作人有所求為此易道可與應答萬物有求則報故曰可與酬酢也祐助也易道盛大可與助成神化之功也本義從之

本義道因辭類云

訂疑自大衍之數五十至天下之能事畢矣言揲筮之法未嘗一言及卦爻辭本義道因辭類非也助神化之功本疏語欠切

朱子曰此是說著卦之用道理因此而顯著德行是人事却由取決于著訂疑此語極明但兼卦言亦非此章原不重卦

神豈能自說吉凶與人。因有易後方著見。便是易來祐助神也。
○又曰。酬酢者。幽明之相應。如賓主之相交也。訂疑此意亦勝
本義。然言易不如言著也。

平庵項氏曰。天道雖幽。可闡之以示于人。人事雖顯。可推之以
合于天。訂疑此說不是。明可以酬酢事物之宜。幽可以贊出鬼
神之命。二語精切。乃朱子小註之說。

蒙引道以理言。不必拘是天道。德行只據事為而言。又曰。德行
人事也。道人事之理也。訂疑非也。

酬酢祐神。只是說易之用。明能應人事。幽能助鬼神。訂疑此朱

子小註之說

訂○疑○道○字○即○上○文○所○象○天○道○物○理○人○事○之○道○也○德○行○者○人○事○之○
趨○避○也○就○卜○筮○者○之○發○言○處○事○言○神○德○行○聖○人○百○姓○皆○然○在○聖○
人○則○為○以○此○齋○戒○以○神○明○其○德○在○百○姓○則○為○因○貳○以○濟○其○行○而○
鼓○舞○以○盡○神○所○謂○百○姓○與○能○也○此○神○字○與○祐○神○字○不○同○此○神○
字○以○筮○言○祐○神○字○以○鬼○神○言○
由○上○文○而○觀○之○是○天○道○物○理○人○事○之○道○皆○由○筮○之○數○法○而○顯○而○
人○之○占○筮○趨○避○亦○因○筮○之○數○法○而○盡○神○是○聖○人○所○制○大○衍○之○數○
操○著○之○法○能○顯○道○神○德○行○矣○唯○能○如○是○是○故○可○與○酬○酢○可○與○祐○

神也。言此以結上文而起下文贊美之辭也。

人將有為也將有言也。而叩蓍以決吉凶。蓍即受命如響。一有以應之。此朱子所謂幽明之相應。如賓主之相交是也。故曰可與酬酢。鬼神因人事之善惡而造吉凶。但不能以語人。使之有善而无惡也。此鬼神之所無如何者也。今得蓍法而豫以告人。使知趨避。有吉而无凶。則鬼神之意亦得以遂矣。此班固所謂占者先王所以定禍福決嫌疑幽贊于神明者是也。故曰可與祐神。

子曰知變化之道者其知神之所為乎

程子曰此節合與上文相連不合在下

訂疑自韓康伯以來皆以此節為下章之首故程子云朱子初作本義亦從舊說後從程子

本義變化之道云

訂疑此神字即上文成變化行鬼神可與祐神之神也蓋无方不測之謂也以大者言天地化育之功亦不外此此統體之鬼神也以小者言則一事一物莫不各有鬼神焉此章所言數法之妙其進退離合變化往來皆神之所為也此散殊之鬼神也上文言大衍之數揲著求卦之法即變化之道也而皆出于理

勢之自然而非人之私知所能為是雖聖人之所制而實皆神之所為也蓋由聖人窮理盡性以至于命與道為體先天不違故其所為一神之所為也知變化之道者其知神之所為乎為學易者言之也實夫子自道也所謂知者乃知化育之知蓋神而明之不言而信之謂非淺之知也後世若朱子者本義啟蒙二書表裏洞達直透先天後天之旨故其為說倒直橫豎无不端之正有左右逢源之妙而无旁出鑿空之私亦庶幾知變化之道者矣以先諸儒其為易者皆挂一漏萬輾轉支離曰註曰疏曰傳雖時亦弋獲皆未免此病程子邵子之書多所

發○明○然○程○子○一○于○理○而○不○明○于○數○即○子○明○于○數○然○時○出○意○見○而○未○能○盡○知○古○聖○人○制○作○之○原○周○子○之○書○乃○自○為○一○理○又○非○專○為○易○書○而○作○雖○時○有○暗○合○止○得○其○一○端○耳○皆○未○有○能○如○朱○子○按○文○切○理○絕○无○側○出○旁○見○其○于○聖○人○正○經○正○傳○之○外○无○一○穿○鑿○附○會○也○

右第九章

本義此章言天地大衍之數云云訂疑太卜筮人之官見周
啟蒙見性理大全

蒙引天地大衍之數一句自天一地二起至大衍之數五十止

也。據著求卦之法一句。則斷自其用四十有九起。至天下之能事畢矣止也。或曰大衍之數。宜該乾坤之策。二篇之策。且二條有當。蓍之日及當萬物之數字。曰不然也。

訂疑蒙引及或說。皆非也。天地固有數。而無法矣。至于大衍之數五十。固聖人所定之數。至于其用。定為四十有九。分而為二。掛一。揲之以四。老陽之數。定為九。少陰之數。定為八。少陽之數。定為七。老陰之數。定為六。此亦皆大衍中之數也。何云大衍之數止于五十。而不及下文乎。此蒙引之所以為非也。當蓍當萬。乃夫子贊其法之善。各有所配。與象兩象三象。闡為例。非數也。

此或說之所以為非也

易有聖人之道四焉以言者尚其辭以動者尚其變以制器者尚其象以卜筮者尚其占

疏言易之為書有聖人所用之道凡四事也訂疑確

本義四者皆變化之道云

訂疑註疏以上章知變化之道者節合下章朱子初問本義從之後見程子云當合上文不合在下遂改屬上章此節本義云云乃未及刪去者也今當作衍文

或問四以字是指以易而言否朱子曰然又問辭占是一類象

變是一類。所以下文至精合辭占說至變合象變說曰然。訂疑
此四句自是四事。本文明分四道。如何合併說。底下文三節通
是詳以卜筮者尚其占一句。不復解上三句也。

問以制器者尚其象曰。這都難說。蓋取諸離益等。不是先見乎
離益等而後為網罟耒耜之屬。聖人亦只是見魚鼈之屬。欲取
之。遂做一箇物事去。闡截他。欲耕種。見地上硬。遂做一箇物事
去。剔起他。却合于離之象。益之象。有取其象者。有取其義者。訂
疑此是制器尚象之正旨。本義以參伍節為尚象之事。非也。後
包義氏王天下章。當看此段小註。

問卜用龜亦使易占否朱子曰不用是文勢如此

廬陵龍氏曰四者皆是用易然有言動時取用者有制器卜筮時取用者四句唯尚變難通凡舉動必合易之變唯心與理會者能之訂疑尚變句確極

蒙引辭占如何分別曰人之發言處事亦有兩樣有止議論道理不及吉凶泛應事物不關利害者則尚其辭以言而已亦有亦无妨事關成敗幾涉善惡而須為決擇者則當尚占以斷其疑矣然辭占善尚者固多下文君子將有為也一條亦善辭占辭占有別後章繫辭焉所以告也定之以吉凶所以斷也于此可見訂

疑謂辭占有別甚是。而辭以言者尚其辭一句。則亦下文本義之說。愚有說詳下。○第二章分言玩辭玩占。亦已別之。彼處予有說。

言動制器卜筮不必俱以筮易言。下文問焉而以言及參伍以變。雖皆主筮易言。然孔子此節實兼動居兩端。下文只就卜筮上發明耳。蓋君子居則觀其象而玩其辭。亦可用易也。動則觀其變而玩其占。亦可用易也。易之為書也。不可遠。若專于筮則其用狹矣。况易之辭變象占。可以窮理盡性。至命可以崇德廣業。豈必拘于筮哉。訂疑確不可易。

訂疑尚辭尚變尚象皆不閔卜筮事自泛言平日之用易也獨
以卜筮者尚其占一句是言卜筮事耳
以言者尚其辭乃古者言必占古語之義古人立說或引易或
引書或引詩此道在漢人尚多用之乃引作佐証之意非謂將
言者必以著問易而求其卦爻之辭而以之發言之說也愚括
古之尚辭者以証之左傳宣十二年知莊子曰此師殆哉周易
有之在師之臨曰師出以律否臧凶襄二十八年子太叔告子
展曰周易有之復之頤曰迷復凶云云昭元年晉和視晉侯疾
告趙孟曰在周易女惑男風落山謂之蠱云云二十七年龍見

已與天地合其德○日月合其明○四序合其序○鬼神合其吉凶○先
天弗違○後天奉時○所謂以此洗心○退藏于密○吉凶與民同患○自
天祐之○吉无不利者也○固○非○必○擬○于○易○而○後○動○至○于○有○時○而○動○
或○觀○其○變○而○玩○其○占○則○神○而○明○之○存○乎○德○行○所○謂○齊○戒○以○神○明○
其○德○是○也○此○動○變○字○與○動○則○觀○其○變○之○動○變○字○全○不○同○彼○動○
以○將○有○為○而○占○筮○言○此○以○平○日○舉○動○言○彼○變○以○卦○爻○之○變○不○變○
言○指○得○窄○此○以○凡○易○中○所○含○變○化○之○道○言○指○得○寬○
以○制○器○者○尚○其○象○包○義○氏○章○言○之○詳○矣○本○義○以○參○伍○以○變○節○為○
尚○象○之○事○不○知○于○制○器○之○義○何○居○此○不○可○曉○朱○子○小○註○以○包○義○

氏章言之極確

以卜筮者尚其占○下三節詳言之○或曰聖人神武不殺○无卜筮而知吉凶○何又曰以卜筮尚其占乎○曰聖人固全體易理○而不必假其物○然其心常敬畏○不敢自謂如此也○是以其有大事○亦必取決于占○卜以觀鬼謀之從違○以察天心之順逆○昔舜遜禹○湯伐桀○盤庚遷殷○武王伐紂○周公之卜代○其成王之卜風雷○周公之卜營洛○皆尚占之事也○洪範之稽疑○禮記之卜筮○皆不廢也○但不如後世俗人之為○不務民義○而專瀆鬼神○信禍福之妄○而為徵倖之圖耳○玩章末此之謂也○一句則此節皆古語

而孔子稱之重卜筮者尚其占一句上三句特舉全文而帶言之

是以君子將有為也將有行也問焉而以言其受命也如響无有遠近幽深遂知來物非天下之至精其孰能與於此

疏君子將欲有所施為有所行往占問其吉凶而以言命著著受人命報人吉凶如響之應聲无問遠之與近及幽邃深遠之處悉皆告之物事也易以萬事告人人因此遂知將來之事也訂疑疏確甚以言命著如筮儀假爾太巫有常下所命著之語也知來物指占者說亦通而不如本義本義屬著

本義此尚辭尚占之事云二

訂疑此下三節皆尚占之事詳見上文○言人以蓍問易求其卦爻之辭而以之發言處事此意不妨蓋人之言亦有大閑國家之治亂與一身之利害者亦須占之故本義以發言與處事並言之發言解本文以言二字也與疏說不同

以言與以言者尚其辭之以言義同此却不是蓋以言者指平日之語默言尚其辭見上文此以言却是特地建言而大有關係者故用卜筮也若尋常言動那用得許此卜筮朱子曰君子作事問于蓍龜言是命龜受命如嚮龜受命也訂

疑與疏合。但專言龜則非。此節言著不言卜也。乃朱子一時錯用字也。本文前言君子將有為也。將有行也。而下文乃專云以言而不及有為有行。為前後不相應矣。故疏解以言為命著之辭。而朱子小註亦從之。

訂疑有為有行二語重複。恐有為當作有言之誤也。本義補出處事二字。亦如乾文言本文專言脩辭立誠。本義却補出見于事者一意。蓋以人之言行皆當立誠。偏言脩辭。覺得未全。故用見于事三字周旋之。人之言行皆當卜筮。而處事尤重于發言。豈可反缺乎。故本義補之。○疏說明白正大。小註既從之。而本

周易訂疑

卷十三

辛

正誼堂

義却別自為說何也○曰以本文問焉二字即是命着○了再以言作命着之辭則複矣○

朱子註書凡有數法天一地二節舊本在第十章之首○程子以為宜在第九章之首○而朱子從之○天數五節舊本在大衍之下○而朱子移于大衍之前○知變化之道一節舊本合下章○程子謂當合上○而朱子從之○而微顯闡幽本義恐當作微顯而此易置之○法也○

何以守位曰人○今本作仁○呂氏從古○此改易之法也○與地之宜○本義取王昭素之說○謂與地之間○諸本多有天字○古

之先見者也。本義曰：漢書古之。間有凶字。此增韻之法也。剗木為舟節，致遠以利天下。文義无有乖謬。本義以為疑衍，開而當名辯物。本義云：開而之而亦疑有誤。此闕疑之法也。履而泰。本義引晁氏云：鄭本无而泰二字。此刪羨之法也。又古易分經二卷，傳十卷。中間為漢儒所亂。程傳既不為之更定，而本義徑依呂伯恭改正俗本。而從古文。此改正之法也。朱子最為謹慎，不敢自用。然猶時有改易刪增如此。但或仍依舊文，而以已說註其下。或雖易置其原文，而仍于註中記其原文。終不敢徑伸已說，而泯滅其舊文也。大學一書有禮記舊

本有明道本。有伊川本。而朱子大學章句。則又自為定本。皆其卓有所見而為之。非苟然也。尚書二典三謨。次序多亂。間有逸書。見于他書。而尚書乃无之者。愚亦依所見。更定為一本。但恐駭俗。未敢輕以告人也。

說統幽深與遠近例看。俱屬人事。事在幽暗之中。如漢唐諸臣之謀誅宦者。宋太祖之謀代周。是也。訂疑如霍光之謀廢昌邑王。亦是。深指禍機所伏。亦當無福之所倚。武后在太宗時為才人。袁天綱謂其人已在陛下宮中。是也。就人事說。則是而分別幽深二字。則未確。幽深无甚分別。總是事之隱暗難明者耳。

梁山來氏曰。遠而天下後世。近而瞬息戶階。訂疑至精。謂精切明。皆如事。而為之備者。至精至變至神。雖是贊著。其實是贊制。著之聖人。若不是聖人。制作盡善。有以幽贊神明。如上章所云。著亦枯莖耳。焉能至精至變至神如此。參伍以變。錯綜其數。通其變。遂成天地之文。極其數。遂定天下之象。非天下之至變。其孰能與於此。

陸氏釋文。天地之文。一本作天下。一本作之文。本義此尚象之事。變則象之未定者也。訂疑與上節同病。此節至變。字與尚變。字不同。對上文至精。下文至神。與上下二

節○皆○贅○贅○之○妙○耳○未○及○卦○爻○之○辭○也○

本義參三數之也○伍五數之也○既參以變○又伍以變○一先一後○更相考覈○以審其多寡之實也○朱子曰○參以三數之也○伍以五數之也○如云什伍其民○非直為三與五而已矣○又曰○揲蓍本元三數五數之法○只言交互參考○問不獨是以數筭大槩是參合底意思○如趙廣漢欲問馬○先問牛○便只是以彼數來參此數否○曰是○

蒙引參伍以變○四營而成易也○一變成于歸奇○故今人多以歸奇取變○謂歸奇上見有多寡之數○于左右歸奇上見其一先一

後更相考覈以審其多寡之實也多謂九八寡謂五與四其明
筮贊有曰四五為少八九為多然實上本義多寡二字正意
訂疑蒙引駁今人之說是也然引而不發愚謂參伍以變言樸
著者既樸右手之策左一則右必三左二則右亦必二左三則
右必一左四則右亦必四此即不復更樸右手但觀左手之策
所餘者多則右手所餘必少左手之策所餘者少則右手所餘
必多或多或寡已可知矣而必更樸右手之策者誠恐先之所
樸左手之策為一或有差謬則多寡之實為无據矣故必更樸
右手之策使一先一後更相考覈然後多者實知其為多寡者

實知其為寡矣○非謂三數之○之○五數之○之○亦非謂三次數之○又○五次數之也○其揲數策數亦然○

本義錯者交而互之一左一右之謂也○綜者總而勿之○一低一昂之謂也○

訂疑○本義已明○交而互之○如一變歸奇之策○左一右三○左二右二○左三右一○左四右四○先各置一處而對觀之也○綜而挈之○謂合左右歸奇之策○或共成一四○或共成一八○如稱物者前一秤一斤○後一秤三斤○合為四斤○前一秤二斤○後一秤二斤○合亦為四斤○前一秤三斤○後一秤一斤○合亦為四斤○前一秤四斤○後

一秤四斤共為八斤四為低八為昂亦多寡之喻也其揲數策數亦可類推參伍以變只說間斷數之未及計歸奇之數錯綜其數方是就參伍所餘之策而分合以觀其兩扐之數至是方成一變矣

本義此亦皆謂揲著求卦之事

訂疑觀揲著求卦之一言可見此節分明是尚占之事如何乃云此尚象之事變則象之未定者乎

本義通三揲兩手之策以成陰陽老少之畫

訂疑此通計三變扐數揲數策數也上章本義通計三變之餘

凡四為奇。凡八為耦。云云。積而數之。則為六七八九。而三變揲數策數。亦皆符會。餘三奇則九。而其揲亦九。策亦四九三十六。是為居一之老陽。云云。至是為居四之老陰。即此意也。今人但知通其變是計歸奇之策。而不知亦通計其揲數與策數也。故參伍以變。錯綜其數。二句亦必兼揲數與策數二者言之矣。此三變而成爻也。三變既畢。乃知此爻之老少也。本義究七八九六之數。以定卦爻動靜之象。所謂窮極陰陽之數。以定天下萬物之象。猶若極二百一十六策以定乾之老陽之象。窮一百四十四策以定坤之老陰之象。舉

此餘可知也。訂疑疏本駁難然其義有可別用者。

訂疑究七八九六之數。以歸奇之數言之。餘三奇則九。餘二奇一耦則八。餘二耦一奇則七。餘三耦則六。究極此數。固足成六畫之卦。而可以定天下之象矣。以揲數策數言之。而其揲亦九策亦四九三十六。其揲亦八策亦四八三十二。其揲亦七策亦四七二十八。其揲亦六策亦四六二十四。究極此數。亦足成六畫之卦。而定天下之象矣。本義定卦爻動靜之象。尚未確。蓋卦爻之動。只可言變。不可言象也。愚謂象者。卦之上下兩象。如雷風山澤之類。及說卦所列性情首腹馬牛父母男女及廣八卦。

之象之類。又如上章乾坤之策三百六十當暮之日。二篇之策萬有一千五百二十當萬物之數。皆所謂天下之象也。極數之說。上章乾之策本義言之詳矣。向來學者只知極掛扐之數。而不知極標數與策數。只知定卦爻動靜之象。而不知其實為定說卦所列之象。及上章暮之日萬物之數之象也。愚既為此說。又得疏所云定天下萬物之象。又云極二百一十六策以定乾老陽之象。窮一百四十四策以定坤之老陰之象。以証之。亦一快也。通其變止可成陰陽老少之畫。而不足以定天下之象。至極其數則十八變而成六畫之卦矣。八卦成列。象已在其中。

矣。况六畫之卦凡六十四。其備天下之象又何如。

梁山來氏曰。定天下之象。如乾馬。坤牛。震雷。艮山之類。各有其象也。說統天下之象。包括甚廣。非卦爻動靜。如乾初潛。二見。三惕。四躍。五飛。上亢。天下之象備矣。訂疑亦勝本義。

蒙引。天下之至變。止謂著之德。圓而神也。故能為多為少。為奇為耦。為老為少。為靜為動。莫知其方。唯變所適也。

訂疑。至變之變。與上二變字不同。上二變字。四營而成易之易字。十八變而成卦之變字也。此變字。乃變化无窮之義也。尚其變之變。又取卦久之變。亦不指此變字也。此變字。對上文精字。

下○文○神○字○只○指○著○言○

易○无○思○也○无○為○也○寂○然○不○動○感○而○遂○通○天○下○之○故○非○天○下○之○至○神○其○孰○能○與○于○此○

本○義○此○四○者○易○之○體○所○以○立○而○用○所○以○行○者○也○

訂○疑○本○義○此○四○者○不○知○何○指○竊○疑○四○者○二○字○衍○文○寂○然○者○感○之○體○易○之○體○所○以○立○也○感○通○者○寂○之○用○易○之○用○所○以○行○也○

本○義○易○指○著○卦○

訂○疑○此○節○承○上○二○節○言○著○之○至○精○至○變○如○此○而○遂○贊○之○云○上○文○專○言○著○不○應○此○節○突○然○又○兼○卦○言○也○易○字○專○指○著○言○耳○

本義人心之妙。其動靜亦如此。○朱子曰。此與窮理盡性以至
于命。本是說易。不是說人。諸家皆是借來就人身說。○當其寂
然時。聖固在此。必感而後發。如仁感為惻隱。未感時只是仁。義
感為羞惡。未感時只是義。○寂然不動。忠也。敬也。立大本也。感
而遂通。恕也。義也。行達道也。程子曰。中者言寂然不動者也。和
者言感而遂通者也。然中和以性情言也。寂感以心言者也。蓋
中和所以為寂感也。
訂疑朱子說乃本文外意。本于程子。程子曰。此只言人分上事。
答與叔書曰。心一也。有指體而言者。寂然不動是也。有指用而

言者感而遂通天下之故是也。○本義于此加出人心之妙二句。雖是本文外意。亦以為下文聖人張本也。

蒙引言其无心也。此句單解與寂然不動不相混。寂自與感為對。或以无思无為亦為體之立非也。盖无思无為只是无心。此句在寂感之上。若以對感通說。則以无心為體而感通為用。將以感通為有心矣。易之感通果有心乎。易只是著卦。何心哉。訂疑蒙引與本義未免看得无思无為寂然不動太深了。蒙引遂通天下之故。遂知來物。遂字亦神字意。神故速也。故曰不疾而速。不行而至。朱子曰。非是。別有至神者在著卦之外也。

訂疑此上二節通是就著之能感而遂通上○贊其至精至變故
首言遂知來物○次言遂成天地之文○遂定天下之象○至此又總
結之曰○感而遂通天下之故○而贊其至神○无思无為○言其无心○
非贊其妙也○即寂然不動句○亦不過承无思无為而接一句○以
起下句感而遂通天下之故○以見其為天下之至神耳○古人立
論多用抑揚之法○以盡其贊美之意○如夫子欲贊顏子悟道之
妙○先曰吾與回言終日○不違如愚○而後繼之以退而省其私○亦
足以發回也不愚○先之以回也○非助我者也○而後繼之以於吾
言无所不說○南宮适稱禹稷之德○先之以躬稼○而後繼之以而

有天下。孟子稱舜之樂善先之以居深山之中。異于野人者幾希。而後繼之。以及其聞一善言。見一善行。若決江河。沛然莫之能禦。皆抑揚之辭耳。中庸言鬼神之德之盛。亦先之以不見不聞。而後繼之以體物而不可遺。又曰。夫微之顯。誠之不可揜。如此。夫。夫不見不聞。與微何足。以為盛。至觀其體物不遺。顯而不可揜。則真盛矣。其稱天地之道。先曰。斯昭之多。斯撮上之多。而後繼之曰。及其廣大云云。及其廣厚云云。昭上撮上。何足以見天地之道。至觀其廣大廣厚。則天地之道可見矣。今易固无思无為。寂然不動也。却又感而遂通天下之故。此所以為天

下之至神也

說統夫子欲形容感通之妙故先以无思无為起語

夫易聖人所以極深而研幾也

疏易道弘大故聖人用之所以窮極幽深而研覈幾微也

訂疑此以用易聖人說

本義所以極深者至精也云：

訂疑本義以至精至變分深幾亦是但其語意欠明當說著唯至精聖人所以用以極深著唯至變聖人所以用以研幾是聖人尚占之事也上文君子將有為有行問焉而以言此是說占

筮○之○事○以○起○天○下○之○至○精○句○重○著○不○重○尚○其○占○次○節○做○此○至○
此○節○方○說○聖○人○以○卜○筮○者○尚○其○占○也○

或○問○如○何○是○極○深○朱○子○曰○聖○人○都○曉○得○至○深○難○見○得○道○理○都○就○
易○中○見○得○問○如○所○謂○幽○明○之○故○死○生○之○說○鬼○神○之○情○狀○之○類○否○
曰○然○問○如○何○是○研○幾○曰○便○是○研○磨○出○幾○微○處○且○如○一○箇○卦○在○這○
裏○便○有○吉○凶○悔○吝○幾○微○毫○釐○處○都○研○出○來○

訂○疑○此○聖○人○所○以○極○深○而○研○幾○與○別○處○泛○說○所○以○窮○理○盡○性○以○
至○命○如○崇○德○廣○業○者○不○同○別○處○是○說○平○日○體○察○易○理○之○事○此○與○
下○章○皆○是○說○聖○人○以○卜○筮○者○尚○其○占○底○事○當○切○卜○筮○時○說○方○與○

上下文理相應。若寬泛：底恁地說。俱未見親切。
朱子曰：研幾是不待他顯着。只在茫昧時便處置了。
訂疑此似切。卜筮尚占之事。說極深便要顧上文。至精句說
研幾便要顧上文。至變句。因探賸索隱。鉤深致遠。至精節以
定天下之吉凶。成天下之亹者。至變節。莫大乎蓍龜。故聖人
卜筮。即以此而極深研幾也。用易以極深。則聖人深矣。而天下
承接如天永九變
之至精者。在聖人矣。故下文曰：唯深也。故能通天下之志。用易
以研幾。則聖人幾矣。而天下之至變者。在聖人矣。故下文曰：唯
幾也。故能成天下之務。深者至精也。幾者至變也。至精至變。則

至神者亦在聖人矣故下文曰唯神也故不疾而速不行而至
○上三節言易之占所以可尚之故下二節言聖人尚占之事
唯深也故能通天下之志唯幾也故能成天下之務唯神也故不
疾而速不行而至

本義所以通志而成務者神之所為也○朱子曰通志亦只似
開物所以下句也說个成務

訂疑上文本義言聖人所以用易以極深者以易為天下之至
精也所以用易以研幾者以易為天下之至變也此節言聖人
能極深研幾則聖人亦至精至變而至神矣故易能受命如響

遂知來物。聖人亦能遂通天下之志。易能遂成天地之文。遂定
天下之象。聖人亦能遂成天下之務。易能感而遂通天下之故。
聖人亦能遂不疾而速。不行而至。感而遂通天下之故者。易之
不疾而速。不行而至也。不疾而速。不行而至者。聖人之至神也。
此上五節通言聖人以卜筮者尚其占之事故。下文曰云云。
子曰。易有聖人之道四焉者。此之謂也。
平庵項氏曰。四者雖云辭占象變。而自君子將有為也。以下則
皆論占至此。又以易有聖人之道四焉句終之者。蓋占則有辭。
變則有象。舉其一則四事皆在其中矣。

訂疑辭占象變易之所有也言動制器卜筮聖人之道也君子
以下言易之占如是而聖人尚之也十翼中言尚辭尚變尚象
者詳矣故此章雖引古語而並舉四者而章內只詳言尚占之
事耳不必于尚占內又補辭變象三事也

說統亦歸功聖人也正見辭占象變皆聖人之道之所在
訂疑夫子恐人視易為卜筮之書看得易小了故十翼中每極
言易道之大大而天地造化細而一事一物莫不總挈而歸之
于易又恐世人看得卜筮太輕了而專以易為止言道理之書
故上章極言制蓍數法之妙而此章又以卜筮歸之聖人之道

而與聖人之言動制器並列為四而深言易之有占為天下之至精至變至神而聖人尚之可以極深研幾而通志成務且不疾而速不行而至又如此夫言動制器卜筮皆聖人之大道也而皆于易取之易之大也可知言動制器聖人之大道人皆知之至于卜筮則人多忽為小道矣而今以與言動制器並列為四則卜筮為聖人之所甚重而不可忽矣

右第十章

本義此章承上章言易之用有此四者訂疑朱子于章內兼貼四者愚辨見上

崇引參伍以變條本義云此亦皆謂揲著求卦之法亦字實承上章也

訂疑本義崇引專以尚占一句為承上章而言其餘三者則又推言易之用也愚謂不唯參伍節為承上章合上下兩節亦皆承上章酌酢祐神之事也極深研幾二節亦承上章顯道神德行之事也

子曰夫易何為者也夫易開物成務冒天下之道如斯而已者是故聖人以通天下之志以定天下之業以斷天下之疑本義開物成務云云

朱子曰、易之為書、大抵是因卜筮以設教、逐爻開示吉凶、包囊
无遺、如將天下許多道理、包藏在中、故曰冒天下之道、訂疑此
似逐卦逐爻、各足以冒天下之道、愚謂一卦一爻、豈能盡冒天
下之道。

繫辭自大衍以下、皆是說卜筮事、今人說易、所以不將作卜筮
為主者、只是怕小了這箇道理、故憑虛失實、茫昧臆度而已、訂
疑程傳正坐此病、殊不知由卜筮而推上通鬼神、下通事物、精
極于无形、粗至于有象、如包單在此、隨取隨得、居則觀象玩辭、
又不待卜而後見、是體察、便自見吉凶之理、訂疑此段是就卜

筮上說冒天下之道。即此小註可見上章本義云。此尚辭象變
尚象之事數句。為未定之說。

訂疑易之所以冒天下之道。不止一二端。即如兩儀四象八卦。
未有文字。而天文地理萬事萬物皆在其中。邵子所謂圖雖无
文。終日言而未嘗離子。是蓋天地萬物之理盡在其中者。是也。
開物成務。百姓與能。冒天下之道。非聖人孰能知之。故十翼大
半言冒天下之道。

是故聖人以通天下之志三句。以下文與神物以前民用。制而
用之。謂之法。聖人則之。效之。象之。等語。觀之。似是指作易之聖。

人言○

是故著之德圓而神卦之德方以知六爻之義易以貢聖人以此洗心退藏于密吉凶與民同患神以知來知以藏往其孰能與于此哉古之聰明膺知神武而不殺者夫

本義圓神謂變化无方云云至易以貢

訂疑圓即上章天下之至變神即上章天下之至神方謂卦體有定所謂六十四卦為其體也知字照下知以藏往知字易以貢易字所謂三百八十四爻互為其用也卦亦有變易以告人但六爻變而占之卦之象辭與三爻變後十卦主悔者較少于

六爻皆不變與五爻變而占本卦彖辭者故曰方以知耳

本義聖人體具三者之德云

朱子曰聖人以此洗心退藏于密是以易之理來洗濯自家心
了更无些私知小意在裏許聖人便似易了不假卜筮而知吉
凶所以說神武不殺只是譬喻着龜雖未用而神靈之理具在
猶武雖是殺人底事聖人却存此神武而不殺也又曰退藏于
密固不用這箇物事吉凶與民同患也不用這箇物事用神而
不用着、用知而不用卦

訂疑上言着卦爻之德自洗心以下言着卦爻未制之先而三

者○之○德○已○備○于○心○已○先○有○一○箇○見○成○著○卦○爻○了○

朱子曰、一卦之中、凡爻辭所載、皆具已見底道理、此藏往也、占得此爻、却因已見底道理、以推未來之事、便是知來、

訂疑朱子一條、乃未定之說、知來藏往二句、本是未有著卦、先有神知、故下文方說明天道、察民故、是與神物、以前民用、而示此焉、齋戒以神明其德、

朱子曰、洗心退藏言體、知來藏往言用、然亦只言體用具矣、未及使出來、到下文興神物、以前民用、方發揮許多道理、以盡見于用也、

訂○疑○本○義○明○言○有○事○則○神○知○之○用○隨○感○而○應○所○謂○无○卜○筮○而○知○
吉○凶○即○是○使○出○來○了○但○得○其○神○而○不○假○其○物○耳○朱○子○之○說○非○也○
朱○子○曰○未○畫○之○前○此○理○已○具○于○聖○人○之○心○矣○然○物○之○未○感○則○寂○
然○不○動○及○其○出○而○應○物○則○憂○以○天○下○而○國○神○方○知○者○各○見○于○功○
用○之○實○

訂○疑○憂○以○天○下○之○說○乃○聖○人○之○情○見○乎○辭○因○貳○以○濟○民○行○之○意○
非○正○旨○與○本○義○不○合○本○義○有○事○无○事○是○皆○就○聖○人○自○己○身○上○說○
非○憂○世○覺○民○之○謂○今○人○因○朱○子○之○說○遂○以○吉○凶○同○患○句○為○萬○物○
一○體○之○說○非○也○
○衆○人○當○有○事○關○利○害○之○時○常○憂○疑○不○決○聖○人○

亦然故曰與民同患。但衆人則只是憂懼而已。不能審其從違也。聖人則神以知來。知以藏往。而有以處之矣。神以知來。謂能逆知其成敗。藏往。謂多識前言。往行以擇善。而從所謂前事之不忘。後事之師也。又如云不知為吏。視已成事也。蒙引云。神以知來。即後章之占事知來。知以藏往。即後章之象事知器。其說雖詳。然皆是有占筮以後事。若此處知來藏往。皆是未有蓍卦之先。那有占筮。卦之德。方以知。知便是藏往。蓍之德。員而神。神便是知來。何以見卦之知以藏往。蓋卦爻之辭。大半取前人之占。而有驗者繫

之如高宗帝乙箕子王亨西山之類。固是其他如屯之婚媾。即鹿蒙之納婦。槩冠泰之歸妹。無之侵伐。涉川之類。皆于卦名爻義无所取。而忽係以此者。想必是前人占之而有驗者。太卜筮人皆記其事。以備參考。而聖人作易。即取為卦爻之辭。但其人微細。故不復錄其為難也。此可見卦爻之知。以藏往矣。其在聖人。則只如夫子所云。多聞擇其善者而從之。多見而識之。便是知。以藏往。孔子一生大槩如此。觀其答顏子為邦之問。與說夏殷而從周。及竊比老彭之語。可見。知字與神字何別。曰。知字對神字。猶俗云好記性也。對聰明睿聖而言。亦然。獨舉神知。

不及易貢者。卦可無爻也。又貢字之義。于聖人之德。上難說。是以明于天之道。而察于民之故。是興神物。以前民用。聖人以此齋戒。以神明其德。夫

本義。明天道。故知神物之可興。至末

朱子曰。明天道。至前民用。此言聖人作易之事也。齋戒以神明其德。此言用易之事也。聖人无一時一事不敬。此特因卜筮而言。猶見其精神之至。明天道以下。言教民卜筮之事。而聖人亦未嘗不敬。而信之以神明其德。

訂疑小註解神明其德一句。與洗心藏于密。无別不如本義就

考○占○說○為○是○蓋○无○卜○筮○而○知○吉○凶○者○聖○心○神○知○之○用○亦○用○卜○筮○者○聖○人○敬○天○之○心○不○假○蓍○龜○者○朕○志○先○定○也○卜○筮○尚○占○者○謀○之○鬼○神○也○舜○之○昆○命○元○龜○禹○之○欲○枚○卜○功○臣○湯○之○卜○吉○武○王○之○協○朕○卜○周○公○之○穆○卜○大○事○閔○係○重○大○不○敢○自○信○也○陳○明○卿○曰○聖○人○之○德○本○神○且○知○得○此○神○物○之○前○而○知○益○知○神○益○神○也○問○天○之○道○如○是○福○善○禍○淫○之○類○否○曰○如○陰○陽○變○化○春○何○為○而○生○秋○何○為○而○殺○夏○何○為○而○暑○冬○何○為○而○寒○皆○要○理○會○問○民○之○故○如○君○臣○父○子○之○類○是○否○曰○凡○民○生○日○用○皆○是○訂○疑○天○道○如○天○文○地○理○幽○明○生○死○鬼○神○之○類○又○如○兩○儀○三○才○四○

時○閏○法○一○歲○之○日○皆○是○民○之○故○天○下○之○動○也○易○辭○所○繫○者○是○也○
是○故○闔○戶○謂○之○坤○闔○戶○謂○之○乾○一○闔○一○開○謂○之○變○往○來○不○窮○謂○之○
通○見○乃○謂○之○象○形○乃○謂○之○器○制○而○用○之○謂○之○法○利○用○出○入○底○底○用○
之○謂○之○神

疏○凡○物○先○藏○而○後○出○故○先○言○坤○而○後○言○乾○闔○戶○謂○閉○藏○萬○物○若○
室○之○閉○闔○其○戶○也○闔○戶○謂○吐○出○萬○物○若○室○之○開○開○其○戶○也○開○閉○
相○循○陰○陽○進○退○或○陽○變○為○陰○或○開○而○更○閉○或○陰○變○為○陽○或○閉○而○
更○開○是○謂○之○變○也○須○往○則○變○來○為○往○須○來○則○變○往○為○來○隨○須○改○
變○不○有○窮○已○恒○得○通○流○是○謂○之○通○也○往○來○不○窮○據○其○氣○也○氣○漸○

積聚露見萌兆乃謂之象言物體尚微也體質成形是謂器物言其著也聖人裁制其物而施用之垂為模範故謂之法以利而用或出或入使民咸用之故謂之神有疑疏甚好利用謂利其施用即下備物致用立成器以為天下利也以利而用句未妥

本義闔闢動靜之機也云云
蒙引制而用之聖人成能也利用出入百姓與能也見象形器生物之序也所生之物不止蒼龜但意之所主在蒼龜也猶天命之謂性三句及誠者自成也辭皆兼人物而意之所主則

皆在人也

息齋余氏曰、戶一而已、闔斯謂坤、闢斯謂乾、且闔且闢、為變、可往可來、為通、見此戶之象也、戶則器也、制之于棟宇之初者、法也、千萬世由之、而不能離者、神也、皆言戶也、知戶之說、則知乾坤之說、聖人偶有觸于一物、而發明乾坤之妙如此、知此者、謂之知易、先儒觀兔及斲公事之說、亦然、

訂疑余氏說、梁山來氏從之、然止說得乾坤變通利用出入好、與著龜不切、則此節似泛、无屬、愚謂疏與本義、只就造化生物及聖人制器上說、而不及著龜、其意則指著龜也、講此節、

用易言類
須先說說畢然後說歸着龜此節原結上文興神物而前民
用句也

是故易有太極是生兩儀兩儀生四象四象生八卦

本義一每生二云々

訂疑本義畫卦揲蓍三句當刪蓋後人畫卦不過照原有卦圖
而次第畫之不消說了至于揲蓍不過畫一卦而止何用畫得
許多卦一每生二二句先就造化說

南軒張氏曰易者生之謂而太極者其所以生之者也
房氏易傳云易有太極是生兩儀兩儀生四象四象生八卦固

非今日有太極。明日方有兩儀。後日乃有四象。八卦也。又非今日有兩儀。而太極。明日有四象。而兩儀。亡。後日有八卦。而四象隱也。太極在天地之先。而不為先。在天地之後。而不為後。楊升庵曰。此說精明。可以補註疏之遺。

八卦定吉凶。吉凶生大業。

本義有言有凶。是生大業。

訂疑有吉凶。便有趨避。避凶趨吉。則大業生。所謂成天下之務也。

朱子曰。卦畫既立。便有吉凶在裏。蓋陰陽往來。交錯于其間。時

周易訂疑

卷十二 上卷

七

正誼堂

則有消長、長者便為主、消者便為客、事則有當否、當者便為善、否者便為惡、即其主客善惡之間、而吉見矣、故曰八卦定吉凶、
○蒙引此乃朱子學易之綱領也、訂疑固是如此、亦不盡然也、
訂疑上文不復言生六十四者、省文故、即繼之曰八卦定吉凶、
若元六十四卦只八卦如何便生吉凶、此處有繫辭一節不
言者、亦省文也、又本傳中言繫辭者多矣、故不復贅、

是故法象莫大乎天地、變通莫大乎四時、縣象著明莫大乎日月、
崇高莫大乎富貴、備物致用立成器、以為天下利、莫大乎聖人、探
賈索隱、鈎深致遠、以定天下之吉凶、成天下之亹亹者、莫大乎蓍

龜

本義富貴謂有天下履帝位云

進齋徐氏曰法謂效法象謂成象萬物之生有顯有微皆法象也而莫大乎天地萬物之運終則有始皆變通也而莫大乎四時天文煥爛皆縣象著明也而莫大乎日月崇高以位言而貴為天子富有四海者為尤大智者創物巧者述之皆足以為利而物无不備用无不致立成器以為天下利者唯聖人為大賸隱以物象言深遠以事理言探之索之則賸者陳而隱者顯矣鈞謂曲而取之致謂推而極之則深者出而遠者至矣卦爻示

人明若觀火。則有以決其吉凶。而勉其有成也。

訂疑。贖隱。猶費隱。○定吉凶。成亶亶者。不止著龜。著龜其莫大者。詳前。極數知來之謂占下。

雲峯胡氏曰。此六者之功用。皆大也。聖人欲借彼之大。以形容著龜功用之大。故以是終焉。

蒙引。備物致用。立成器以利天下。須有別。聖人教人以五穀為粒食。以鳥獸為鮮食。以薪供火。以水供湯之類。是備物致用。若夫網罟以佃。以魚。舟車以濟。川引遠。弧矢以威。天下重門擊柝。以待暴客之類。立成器以為天下利也。物者天地間見成之物。

也。器者聖人所制也。若單說備物致用，似能該得制器。今既繼以立成器，則五穀六畜之類，不可以成器言。故須有辨。季彭山曰：探賸漆隱，鈎深致遠，即所謂无有遠近幽深，遂知來物也。

是故天生神物，聖人則之；天地變化，聖人效之；天垂象，見吉凶，聖人象之；河出圖，洛出書，聖人則之。

本義：此四者，聖人作易之所由也。云云。

訂疑：天生神物，聖人則之，則字當是制字之誤也。制者，龜為卜筮之用，所謂制而用之謂之法也。變化圖書，皆可則效。若蓍龜。

周易訂疑

卷十三 上

七

正誼堂

只好制而用之○說不得則字○

生○編河圖洛書○當以易之文為據○聖人則之而作易○何為兼序○

訂疑則河圖洛書之一二三四○為四象之位○六七八九○為四象之數○河圖之五為衍母○十為衍子○洛書之五為衍母○洛書雖无十○然五數亦各含十數也○

河圖之說○其見于經傳者○顧命河圖在東序○易傳河出圖○洛出書○聖人則之○論語河不出圖○吾已矣夫○但云河圖洛書○不云出于何時也○自漢孔安國始云○河圖者○伏羲氏王天下○龍馬出河○

遂則其文以畫八卦洛書者禹治水時神龜負文而列于背有
數至九禹遂因而第之以成九類劉歆云伏羲氏繼天而王受
河圖而畫之八卦是也禹治洪水錫洛書法而陳之九疇是也
閔子明曰河圖之文七前六後八左九右洛書之文九前一後
三左七右四前左二前右八後左六後右是說始于安國而劉
向父子班固閔朗皆因之朱子據之以解易而劉牧之又兩易
之以十為洛書九為河圖亦不知其何所考以為出于希夷又
引大傳以為二者俱出伏羲時則于易傳為有據矣然考之異
書河圖玉版云倉頡為帝臨于玄扈洛汭之水神龜負書冊甲

青文以授帝。洛史曰：倉頡授河圖，綠字而創文字，是河圖洛書出于倉頡之世矣。倉頡在因提紀。名畫記云：聖王受命，則有龜字效靈。龍圖呈寶，巢燧以來皆有之。有巢氏在太昊之前。禮含文嘉。緯書皆出漢世。伏羲德洽上下，天應以鳥獸文章，地應以河圖洛書，乃則象而作易。此劉牧所云皆出伏羲時之說。所據魏博士淳于浚以為伏羲因燧皇之圖以制卦。此名畫記所本。河圖挺輔佐。緯書云：天老謂黃帝曰：河有河圖，洛有洛書。天其授帝圖乎？帝往河洛，有大魚汭流而泛白圖。帝跪受，尚書中侯緯書云：黃帝巡洛，龜書赤文成字象軒。鄭魴記。未詳云黃帝受

河圖而定土籙、伏羲得神蓍而垂皇策、晉志云、黃帝創受河圖、始明休咎、漢晉間、又以河圖洛書皆出黃帝之世矣、帝堯碑云、堯遊于玄河、龍龜負銜投鈴授與、然後受命、合誠圖、緯書云、堯母慶都年二十、觀于三河之首、赤龍負圖出、慶都受之、及生堯、如圖云、述異紀、陶唐世、越裳獻千歲神龜、背有文、紀開闢以來、錄為龜曆、握河紀、緯書云、堯即政十七年、至于稷、沈璧于河、龍馬銜甲、赤文綠字、自河而出、臨壇吐甲、迴避甲似龜、廣九尺、有文、言虞夏商周秦漢之事、又沈璧于洛、有靈龜負書出、背甲亦文成字止、壇、孫氏瑞應圖云、堯即位、坐河渚、神龍赤色、負圖

而至、備載山澤河海之形、國土之分域、是皆謂圖書出于堯時
矣、孝經鉤命決緯書云、舜即位、巡省中河、錄圖受文、孝經援神
契緯書云、帝舜祇德、至于稷、榮光迭至、黃龍負圖、卷舒至水泮、
置舜前、舜與三公、大司空禹等三十人集、發圖、是河圖又出于
舜之世矣、野王符瑞圖云、周公踐祚、理政、與天合志、萬序咸得、
休氣充塞、藩侯陪位、群公皆就位、如舜、至于日昃、榮光塞河、青
雲浮至、青龍銜玄甲臨壇止、吐圖迴遶、註玄甲所以裏圖周公
與三公視其文、言周世之事、五伯之戒、與秦漢之事、隨巢子姬
氏之興也、河出綠圖、又以河圖出周公之世矣、以上諸說紛、

怪誕不經、大約謂圖書之事、代皆有之、而朱子特取孔安國劉
歆、閔明之說、以為圖出于伏羲、書出于禹、以伏羲曾作易、河圖
中宮十五、可則為大衍之數、次一二三四、可則為四象之位、次
六七八九、可則為四象之數、而洛書之數、自一至九、與箕子所
述天乃錫禹、洪範九疇之數相合、又其為說、文理雅馴、不似諸
說之荒唐无稽也、愚獨疑圖出伏羲、至周成王崩時、當有數千
百年、中間水火干戈、改革遷徙、不知經幾變故、凡治世之大經
大法、如左傳所云三墳五典八索九丘、皆遺亡漸滅、孔子時、尚
書止存二典三謨、然且殘缺失序、又夏殷之禮、至孔子時、遠者

千五六百年、近者千餘年、且不足徵、况河圖朽甲敝文、何以獨存、是可疑也、其圖數與卦何取、而伏羲獨取之以畫卦耶、又可疑也、孔子但云聖人則之、不曰則之作何用、亦不曰伏羲下繫、但云伏羲仰觀象于天、俯觀法于地、觀鳥獸之文、與地之宜、遠取諸物、近取諸身、又何獨靳一語不曰則于河圖也、又可疑也、竊謂河圖洛書、事必有之、但皆出于周公時、非出于伏羲夏禹時也、洛書不知則之何如、或是卜龜之書、亦未可知、但今不可考矣、若河圖則或則之以制大衍之法、據著求卦之法、如本義所云乎、但大傳天一地二章、夫子明言天地之數、又不云河圖

之數也。或曰：夏商以前皆有卜筮，何以定河圖洛書？聖人則之
為周公也。曰：五帝三王不相襲禮，制度各別。周人不用夏商之
方，謂獨用伏羲氏之筮法乎？夏商以前自有蓍法。易書：周公自
用周易，與大傳所云大衍之數法耳。即如今日日者言命卜者
占課，豈必一法乎？

又按龍馬之說有二。握河紀云：堯時龍馬銜甲，赤文綠字，自河
而出，臨壇吐甲，迴遶甲似龜，廣九尺，有文。援神契云：舜時龍馬
負圖，卷舒至水泮，置舜前。此二說皆以圖文在甲上。龍馬負出，
留圖置堯舜前，而龍馬依舊入河去也。野王符瑞圖：周公時青

龍銜玄甲、臨壇止、吐圖迴蓮、註云、甲所以裹圖、則是圖自圖、而外有甲以裹之也、此雖為說稍異、然謂龍馬與圖為兩物、則同、至宋胡方平、號玉齋、始謂周禮夏官、馬高八尺以上為龍、引漢武帝得神馬于渥洼水中、証之、武帝自神其事、各為神馬、以自欺、人不可為証、臨川吳氏曰、河圖自一至十五、十五點之在馬背者、其旋毛之圈、有如星象、故謂之圖、如此二說、則馬又為陸產之馬、特以其異于常馬、故神之、曰龍、其圖則馬背上之旋毛也、而皆不云出于河、愚按、易傳顧命論語、但言河圖、不言龍馬、龍馬之說、乃出于漢儒孔安國、然既云河圖、則必出于河、无

疑出于河必神物也。豈出于河為土人所生得獻之周公遂觀其圖而則之後龍馬死因取其皮而藏之東序為傳世之寶乎。但皮毛易敝而難久唯甲差可久藏耳。然甲久亦必敝東序之河圖或圖其形于竹木之上以傳後世亦未可知。摠之物久易敝其不出于伏羲時亦明矣。○史記封禪書漢書郊祀志亦不言圖書出于何代山海經之怪誕亦不載河圖洛書事何也。易有四象所以示也繫辭焉所以告也定之以吉凶所以斷也。

本義四象謂陰陽老少云云

訂疑吉凶悔吝等皆辭也。○分辭與吉凶而兩釋之何也。○曰辭者

事類也。如潛龍見龍之類是也。吉凶占也。易中恒有辭无占者。如坤之初上之類是也。知者玩其辭。吉凶可知。然亦有辭相似而吉凶反者。如大畜九二之與說輟。與小畜九三同。而九二曰中无尤。九三曰不得進而為所畜。泰六四之不富以其鄰。與謙六五同。而六四為失實。六五為无不利。故必定之吉凶。以斷之。然間有不言吉凶者。或傳久而脫亡也。故漢書藝文志。劉向以中古文易經。較施孟梁丘經。或脫去无咎悔亡。唯費氏經與古文同。以此言之。其不言吉凶者。安知非脫失乎。

右第十一章

本義此章專言卜筮

訂疑本義云：亦欠斟酌。章內易有太極云：易有四象云：豈不言畫卦繫辭乎。

易曰自天祐之吉无不利。子曰祐者助也。天之所助者順也。人之所助者信也。履信思乎順。又以尚賢也。是以自天祐之吉无不利也。

本義釋大有上九久義云：

子曰書不盡言言不盡意。然則聖人之意其不可見乎。子曰聖人立象以盡意。設卦以盡情。偽繫辭焉以盡其言。變而通之以盡利。

鼓之舞之以盡神

疏○非○雅○立○象○以○盡○聖○人○之○意○又○設○卦○以○盡○百○姓○之○情○偽○變○謂○化○而○裁○之○通○謂○推○而○行○之○訂○疑○確

本義言之所傳者淺云

訂○疑○變○通○以○事○言○本○第○五○章○通○變○之○謂○事○確○不○可○易○矣○變○通○二○字○平○對○疏○以○下○文○解○之○是○也

朱子曰不成聖人有情又有偽

吳臨川曰盡情偽謂六十四卦各足以盡天下事物之情其情之本乎性而善者曰情拂乎性而不善者曰偽

訂疑聖人有以見天下之賾之動則天下之情偽千態萬狀聖
心已自了然但兩儀四象不足以盡其變故加之為八卦而健
順動入險麗止說之情已盡天下之情偽雖則千態萬狀不過
此八者盡之矣况又加之為六十四卦而情偽有不盡者乎
設卦即下文存乎卦之卦繫辭即下文存乎辭之辭下文本義
卦即象也辭即爻也正應此二字○卦下亦有辭爻中亦有情
偽對舉之互文也聖人作易以盡情偽知者觀其彖辭僅思過
半若止有卦无辭亦何能盡情偽而前民用使之因貳以濟行
乎

臨川吳氏曰。盡意盡情。偽盡言。皆所以為天下利也。恐其有所未盡。于是作揲著十有八變之法。使其所用之策。往來多少。相通不窮。而其所得之卦。一可變為六十四。亦相通不窮。其象其辭。皆可通用。而不拘于一。則其用愈廣。而足以盡利矣。訂疑吳氏之說。今多從之。然于本義不合。本義云。變通鼓舞。以事而言。又曰。變通二字。上章以天言。指莫大乎四時也。此章以人言。只說以事言。以人言。何嘗云以卜筮言也。後篇云。黃帝堯舜。通其變。使民不倦。即此所謂以事言。以人言也。其言神而化之。使民宜之。即此以盡利也。但彼指三聖言。此指易言耳。其曰。

易窮則變○變則通○通則久○正與此變通二字合○若指樸著老少之變言○則久字如何解○此章盡利字如何解○前章通變之謂事○事字如何解○又云卦一可變為六十四○亦非其云辭皆可通用○則是○

盧中庵曰○有象卦辭而無變通○則易為確定之物○不能相通○不足適用矣○何利之有○利是便利之利○無適不順也○言隨時變通而適于用也○

訂疑本義序云○以一時而索卦○則拘于無變○非易也○以一事而明爻○則窒而不通○非易也○知所謂卦爻象象之義○而不知有卦○

又象象之用○亦非易也○即變通盡利之意○

蒙○引○書○不○盡○言○繫○辭○亦○書○也○如○何○盡○言○蓋○易○書○是○稽○實○待○虛○只○依○卦○爻○之○象○說○箇○道○理○隨○甚○樣○事○都○該○得○隨○甚○樣○人○都○應○得○所○以○能○盡○其○言○

訂○疑○人○用○易○須○有○變○通○之○法○方○可○如○不○能○變○通○易○之○辭○豈○能○恰○好○合○着○那○人○事○

臨○川○吳○氏○曰○民○皆○无○疑○而○行○事○不○倦○如○以○鼓○聲○作○舞○容○鼓○聲○愈○疾○舞○容○亦○愈○疾○鼓○聲○不○已○而○舞○容○亦○不○已○自○然○而○然○不○知○其○孰○使○之○者○所○謂○神○也○訂○疑○此○却○是○

乾坤其易之緼耶。乾坤成列而易立乎其中矣。乾坤毀則无以見易。易不可見則乾坤或幾乎息矣。

本義緼所包蓄者云々

蒙引語錄云。緼綿緒胎也。易之所有。陰陽而已。凡陽皆乾。凡陰皆坤。可見此乾坤通指百九十二陽爻。百九十二陰爻而言也。○易之緼。乾坤指六十四卦之陰陽言。乾坤其易之門。乾坤專指初始陰陽二畫言。謂之緼者。易中之所包蓄也。故曰易之所。有陰陽而已。謂之門者。易諸卦之從出也。故曰諸卦剛柔之體。皆以乾坤合德而成。

訂○疑○本○義○易○字○指○樞○著○而○言○蒙○引○從○之○愚○謂○易○指○易○書○言○乾○坤○
成○列○如○圖○說○所○列○六○十○四○卦○之○次○序○也○易○立○乎○其○中○言○圖○雖○无○
文○而○卦○爻○之○辭○其○理○已○具○于○此○中○也○乾○坤○毀○无○以○見○易○謂○卦○畫○
不○立○則○卦○爻○之○辭○无○所○繫○也○易○不○可○見○則○乾○坤○息○謂○既○无○易○書○
則○卦○畫○雖○存○後○世○亦○將○見○其○无○文○而○廢○之○矣○觀○後○世○易○書○兩○經○
十○翼○見○在○而○先○天○卦○圖○自○程○子○以○前○世○已○不○傳○經○生○家○只○就○經○
文○傳○誦○不○知○尋○其○作○易○之○本○原○而○伏○義○四○圖○乃○邵○子○得○之○李○之○
才○之○才○得○之○穆○脩○脩○得○之○陳○搏○搏○不○知○得○之○何○人○朱○子○以○為○自○
道○家○丹○術○中○得○之○謂○參○同○契○也○夫○四○圖○為○易○之○根○本○學○易○之○家○

皆不存之。而僅存之道家書中。有經有傳。而卦圖且幾乎息。况
无經文。而圖畫其何以得存乎。故此節言乾坤毀。則无以見易。
言象之不可以不立也。易不可見。則乾坤或幾乎息。言象既立。
猶不可以不繫之辭也。朱子曰。乾坤成列。而易立乎其中。這又
只言立象以盡意。設卦以盡情偽。又曰。此易只是說易之書。此
段極是不知作本義時。何以又就變化說。
潛室陳氏曰。此據先天圖言。謂落筆之初。陽畫在右。陰畫在左。
只此二畫。分左右成行列。而一部易書已在其中。設若當時分
此兩畫不成。則易書无自而見。便是乾坤毀。无以見易。設若當

時作此易書不成、則二畫幾于歇滅、无用、便是易不可見、則乾坤息、訂疑此亦以易作易書說、但乾坤專指奇耦一畫、把中間四象八卦六十四卦、都丟過去、便說易書則非也。

說統此章、都就卦說、不復及著、訂疑此謂不復及著、極是、但專言卦、不及辭、亦非。

是故形而上者謂之道、形而下者謂之器、化而裁之謂之變、推而行之謂之通、舉而措之天下之民、謂之事業。

程子曰、此語截得上下最分明、朱子曰、若以有形无形言之、便是物與理相間、斷了、所以說截攔得分明者、只是上下之間、分

別得二箇界限至分明。

本義卦爻陰陽云：至道也。

訂疑開口即就卦爻說亦非。

蒙引：理无形者也。卦爻有形者也。始初聖人因見天地間有許多道理，故設為卦爻以該載之。即所謂立象以盡意，設卦以盡情偽者也。如乾道大通而至正，形而上者也。而六畫皆奇之卦，形而下者也。如坤道之順而健，形而上者也。而六畫皆耦之卦，形而下者也。如初陽在下之理，形而上者也。以初九一畫象之，形而下者也。剛健中止出潛離隱之理，形而上者也。以九二一爻象之，形而下者也。諸卦爻皆然。此乃本義之正意。其後先儒

引用或以太極為形而上者、陰陽為形而下者、則皆是借用之、
猶寂然不動、感而遂通本指著卦、訂疑卦字當衍、先儒盡借以

論人心、亦无不可、

訂疑此節亦是泛說、畢然後以易理貼之、如上章闔戶節之
例、

本義因其自然之化而裁之、云、至以人言、

訂疑說化字、忒无而夫、只當分外字、非也、化字與推字舉字為

例、雖不甚有為作、然亦不是與裁字絕不相屬、

問只是一箇道理、但即形器之本體而不離乎形器、謂之道、就

形器而言則謂之器。聖人因其自然化而裁之則謂之變。推而行之則謂之通。舉而措之則謂之事業。裁也行也。措也都是裁。行措這道朱子曰然。訂疑以化字屬裁字。極是本義如何。却把化字截出另作一小讀。

又曰化而裁之方是分下頭項。推而行之便是見于事。如堯典分命羲和許多事便是化而裁之。到敬授人時便是推而行之。裁是裁截之義。謂如一歲裁為四時。一時裁為三月。一月裁為十二時。此是變也。通是通其變。將已裁定者推行之。即是通。訂疑朱子欠分曉。愚謂化而裁之是方經營區處是成箇規模。

片○段○然○此○時○有○幾○番○安○排○易○置○故○謂○之○變○推○而○行○之○是○以○此○見○
于○事○為○看○是○如○何○行○得○好○時○便○是○通○舉○而○措○之○天○下○之○民○是○自○
已○行○得○妥○當○无○有○難○通○悖○謬○處○了○方○舉○而○措○之○天○下○之○人○使○大○
家○通○行○謂○之○事○業○如○議○禮○制○度○先○須○斟○酌○裁○定○是○化○而○裁○之○本○
諸○身○是○推○而○行○之○徵○諸○庶○民○是○舉○而○措○之○天○下○之○民○此○是○就○制○
作○之○聖○人○說○如○堯○之○命○羲○和○治○曆○先○將○曆○象○日○月○星○辰○閏○月○歲○
時○安○排○序○當○是○化○而○裁○之○乃○分○命○四○人○定○四○隅○以○殷○正○四○時○而○
驗○其○合○否○是○推○而○行○之○後○來○見○得○无○有○差○錯○節○氣○時○物○皆○應○其○
曆○然○後○制○為○定○法○以○授○民○時○而○垂○之○未○久○是○舉○而○措○之○天○下○之○

民

問易中多言變通。通字之義如何。曰。處得恰好處。便是通。又曰。推而行之。便是就這上行。將去。且如亢龍有悔。是不通了。處得來。无悔。便是通。變是就時就事上說。通是上面處得行。處說。故曰。通其變。只要常教流通不窮。訂疑此條是就易上貼之。然必于泛言後貼入方好。

問如貧賤富貴。夷狄患難。這是變。行乎富貴貧賤夷狄患難。至于无入而不自得。是通否。曰。然。訂疑此說大非。

梁山來氏曰。此五謂言天地間之正理。聖人之教化。禮樂刑賞。

皆○不○過○此○至○于○下○文○六○存○方○說○卦○爻○不○然○下○文○化○而○裁○之○二○句○說○不○去○矣○

訂疑來氏之說確極○今人于此節便說向易上去○則下文化而裁之二句○便複了○此由朱子小註而誤也○小註乃暫就易上說箇例耳○若就揲蓍上說○則大謬矣○此章原不言卜筮也○易中亦有道器變通事業○前後章多言之○但此節乃泛言以起下文耳○

說統說者因泥上文變通盡利句在蓍策上說○而以易立乎其○中易字做蓍策變化○裁推行亦俱從蓍策上說○不知此章與

操著全无干預化裁之變推行之通即盡利之變通

是故夫象聖人有以見天下之賾而擬諸其形容象其物宜是故謂之象聖人有以見天下之動而觀其會通以行其典禮繫辭焉以斷其吉凶是故謂之爻

本義重出以起下文訂疑此本疏說東萊呂氏草廬吳氏皆云

四字衍文是也

臨川吳氏曰謂之象申設卦以盡情偽一句繫辭焉以斷其吉凶申繫辭焉以盡其言一句訂疑亦申立象以盡意一句

極天下之賾者存乎卦鼓天下之動者存乎辭

周易訂疑

卷十二 上繫

六

正誼堂

本義卦即象也。爻即辭也。

訂疑卦中亦有辭。爻中亦有象。對舉之五文也。

朱子曰。謂卦體之中。備陰陽變易之形容。辭說出天下之動。如鼓之舞之相似。

訂疑極天下之賾。亦如說卦所列者是也。聖人雖見天下之賾。而立象以盡意。然不得後人究極出來。亦何由見其能類萬物之情乎。夫子說卦一傳。正就卦中極天下之賾也。爻亦可極天下之賾。卦亦可鼓天下之動。對舉之五文也。

程敬承曰。聖人見天下之賾。見賾之皆道也。見天下之動。見動。

之○皆○道○也○唯○見○道○于○蹟○而○立○卦○故○卦○可○用○以○極○蹟○唯○見○道○于○動○而○繫○辭○故○辭○可○用○以○鼓○動○訂疑確極

化而裁之存乎變推而行之存乎通神而明之存乎其人默而成之不言而信存乎德行

本義卦爻之所以通變者在人云云○朱子曰神而明之一段却與形而上者謂之道相對說自形而上謂之道說至變通事業是自至約處說入至粗處自極天下之蹟者存乎卦至神而明之又是自至粗處說入至約處默而成之不言而信則說得又微矣

訂疑此與一陰一陽之謂道一章同一陰一陽之謂道至謂之盛德自至隱以至費也自生之謂易至陰陽不測之謂神又自至粗以至精也與中庸一書相似中庸首言一理中散為萬事未復合為一理而又引三詩以贊嘆之至无聲无臭而後已焉

首節言變而通之以盡利言聖人設為變之通之法使人變通以求易也所謂以一時而索卦以一事而明又非易也化而我之謂之變推而行之謂之通釋上文變通二字之義也輕泛言之如中庸喜怒哀樂之未發謂之中發而皆中節謂之和

云○不○過○承○上○起○下○之○意○原○无○工○夫○當○與○下○節○謂○之○象○謂○之○文○
同○例○不○過○起○下○文○耳○亦○如○中○庸○中○和○一○節○不○過○為○下○文○致○中○和○
三○句○張○本○也○存○乎○變○存○乎○通○方○就○學○易○者○身○上○說○言○人○之○于○易○
其○能○觀○象○玩○辭○而○化○裁○推○行○之○者○以○其○有○得○于○聖○人○所○設○變○通○
之○法○也○變○通○二○字○且○淺○說○以○為○下○文○神○而○明○之○地○若○无○下○
文○神○而○明○之○一○句○則○存○乎○變○存○乎○通○自○宜○無○神○而○明○之○意○下○
文○既○有○神○而○明○之○一○句○則○變○而○通○之○自○應○淺○說○矣○理○勢○不○得○不○
如○此○此○如○中○庸○誠○形○著○明○動○變○化○共○六○層○孟○子○只○云○至○誠○能○動○
便○完○則○誠○字○便○無○形○著○明○動○字○便○無○變○化○了○

蒙引嘿而成之不言而信二句要為神而明之。天地神而明之。用易之際變通之時也。嘿而成之不言而信以其平時理得于心。而有其德。理措于事。而有其行。德行之人。雖端居无事。无所詘筮。然方寸虛明。萬善俱足。无所虧缺。絕无事于言說。而其理皆實居之安。資之深。可以左右逢源。其德行如此。此其所以用易之際。便有以神而明之也。

右第十二章

卷之十二終